


T 2720/2223

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
JAN 20 1940

6



名

山

藏

其

謨

震宗

Faint bleed-through text from the reverse side of the page, including characters such as 太宗, 皇后, 太子, and 大正.

Blank page with visible paper texture and minor foxing or staining.

名山藏卷之十五

臣何喬遠恭輯

哈佛大學
哈佛燕京
圖書館
珍藏印

典謨記

憲宗純皇帝

憲宗純皇帝御諱

英宗皇帝長子也故名

母周太后生時紅光滿室其歲天下大稔英宗北狩

邠王監國慈壽皇太后立爲皇太子方三歲邠王卽

位立其子見濟降封沂王英宗復辟更名上復立爲

皇太子上廣額豐頤方面大耳目睛如漆光彩射人

左右莫敢仰視出閣講學敏於讀書便習騎射侍膳

問安孝敬備至英宗大漸召屬後事既崩羣臣三勸
 進以正月乙亥即皇帝位下詔以明年為成化元年
 大赦天下罷鎮守內官及緝事官較下璽局局丞王
 綸及翰林院侍講學士錢溥尚寶司司丞朱奎獄降
 綸內使發南京閒住溥順德知縣奎鹽課副提舉凡
 與綸交通者皆降調之兵部侍郎韓雍等調外錦衣
 都指揮僉事門達等調邊典璽局局丞王綸事上於
 東宮事多專擅一時羣小
 希進用覲後福者多與交通而翰林侍讀學士錢溥
 以嘗奉命教內書館綸嘗受學焉時尚寶司丞朱奎
 以幼童陪讀館中相親昵俱交厚至是先帝不豫溥
 意綸必典機務預有入閣之喜密遣奎通綸於禁中
 綸因偕奎造溥家執弟子禮坐溥上坐飲至晡而去
 內閣學士陳文與溥鄰居知其事及帝崩奎持晉州

知州鄒和所餽綸書以入或曰此溥密草遺詔也綸
 亦以例當柄用驕矜恣肆而司禮監太監牛玉恐其
 軋已玉姪春坊贊善牛綸所厚中允劉珝與溥有隙
 會帝大殮綸哀服襲貂裘於外觀望上見而惡之玉
 因數其過惡勸上執下獄又嗾人發其交通事并逮
 溥等法司依律擬斬以赦例特從輕典綸降內使發
 南京閒住溥降順德縣知縣奎鹽課副提舉和雲南
 瀾滄衛經歷凡平日與綸交通者因綸詞供及皆降
 調外任於是兵部右侍郎韓雍降浙江左參政順天
 府尹王福降兩浙鹽運使治中丘晟調福州府同知
 通政司右參議趙昂瑞州府同知南寧伯毛榮都督
 馬良謫廣西都督馮宗劉聚謫廣東各聽本處總兵
 官調遣殺賊錦衣衛掌衛事都指揮僉事門達指揮
 同知郭英陳綱指揮僉事呂貴俱調貴州邊衛達都
 勻英安南綱赤水貴二月乙未上行皇帝尊諡詔
 平越皆帶俸差操云

天下科道官重劾門達罪浮於降繫獄論死籍其家
 餘黨皆貶戍名還袁彬代之始傳陞司禮監人匠狂

爲文思院副使湖廣苗賊平乙巳黃塵四塞壬子風
霾晝晦三月甲寅朔尊母后皇后爲慈懿皇太后母
妃爲皇太后詔天下省兩京供用庫及司苑等局歲
辦十之三安南國王黎灝求冕服不與與皮弁常服
廣西蠻賊入梧州北流等縣放宣德天順間宮人毀
錦衣衛城西獄復岳正楊瑄張鵬官廣西流賊入廣
東界劫虜肇慶雷廉高州等處巡撫都御史葉盛及
副總兵歐信等調官軍土兵擊斬之禁內官增修寺
院求乞賜額有揭匿名帖謗大學士李賢者下都察
院禁之揚州人民無故驚疑皆南奔簡三大營軍十

二萬分爲十二營擇坐營協贊等官命會昌侯繼宗
太監永誠提督操練內臣十二人監鎗給事中御史
各一人巡察廣西賊陷陸川平南諸縣四川賊趙鐸
等流劫銅陵諸縣四月初享廟廣西流賊入廣東石
康等縣四川賊悟昇等反都指揮何洪等尋討平之
甲午孝恭章皇后祔廟令刑部試事進士同司官僉
書問刑五月丁巳大風雹飄瓦拔木壞郊壇番賊劫
掠岷州巡撫陝西右副都御史項忠撫捕之四川賊
猖獗遣戶科給事中童軒威諭之庚申葬英宗於裕
陵戊辰祔廟勅曰朕雖在疚敬天恤民不敢忘慮天

災屢見朕甚懼焉意者德未脩政未舉歟心未誠行未至歟抑爾羣臣弛慢不飭無能匡輔安和歟其各恪恭以回天意庚午始視朝禁天下朝覲官徵斂於民命囚徒守瞭沿邊墩臺死罪五年流罪四年徒罪如律條年限每月給糧叁斗著爲令以順聖川牧地爲屯田六月改賜真人張元吉封號及其母七月禁邊將腠削所部士壬申立皇后吳氏大學士李賢等言山西大同饑邊報日夕至宜令撫臣加謹上曰寇猶邪氣善攝生者毋令虛入卿等慮是革官吏科斂弊總管神機營撫寧伯朱永薦甘肅總兵官定襄伯

郭登自代上嘉之召登還八月革肩迎駕功陞職者癸未初御經筵甲申初日講科道官薦漕運副都御史王竑巡撫宣府副都御史李秉宜召而大用之廷議皆是上曰古者夢卜求賢况今有輿論竑可兵部尚書秉可左都御史言官交論兵部尚書馬昂不職其改於戶部廢吳皇后下選婚太監牛玉獄安置南京九月開見瀟爲荆王申鉉爲蜀王增京畿府州縣儒學生員廩米十月壬辰立皇后王氏陞東鹿知縣盛顥襄陽知縣李人儀爲知府

盛顥無錫人初爲御史以言石亨謫知東

鹿豪右聞其來相戒曰不可犯也是嘗劾石總兵者顯至响响撫循吏畏民安未幾了艱民留之不可俟

其服闋相率詣奏乞顯再任從之顯至不用刑罰有
爭訟者諭之以理輒叩頭聽受不復辯色界真定二
府間四境之衆聞風趨赴郊外有荒落地聚
立武舉
成市邑人因稱清官店累陞右副都御史

法十一月復設京衛武學以順義縣故所沒太監吉

祥地爲宮中莊田始名曰皇莊南京給事中王徽王

淵朱寬李翔李鈞等言牛玉罪重罰輕宜寘之死并

劾及李賢俱謫州判官都督僉事何洪殺賊趙鐸於

梓潼縣死之贈一級予祭葬襄王瞻塏於先帝時請

興工造牌鑄鐘至是請以詔書趣成上曰朕初卽位

一切省不急已布詔卽失信於下亦無益叔祖德叔

祖亮之十二月初定諸羣王府將軍中尉并妻及縣

君鄉君儀賓冠服制始傳陞道士孫道玉爲真人肅

王瞻焯薨是歲廣西徭賊流劫湖南境入桂陽州城

成化元年正月上朝行郊廟之祭命中軍都督同知

趙輔佩征夷將軍印充總兵官右都督和勇充遊擊

將軍浙江左參政韓雍爲都察院左僉都御史贊理

軍務調番漢軍大征廣西蠻賊使御史二人束軍祭

故死賊者汀州府推官王得仁于汀州

得仁新建人宣德間以椽

任汀州經歷廉能勤恕時衛官卒橫甚答殺府隸得

仁條奏寘重典中官至索郡縣金千百得仁揚言曰

吾又且奏矣中官惕去所平反死戍獄者屢具密懷

金玉爲謝詞斥之九載任滿所屬軍民乞留之陞七

品俸復任二載陞推官沙尤寇鄧茂七反遣其黨徐

政景園汀衆推得仁捍禦得仁嚴爲城守民避寇入

者力請守發廩賑之乘賊不意開門奮擊遂大破賊
 執政景等械送京師守將欲入山搜餘黨得仁曰不
 株連乎力爭止辨釋俘獲平民四百餘人賊黨攻寧
 化復率兵往援遇之於歸化蓋洋與戰大敗之追至
 大陂斬首數百級降其脅從二千分隸諸軍陰遣卒
 誘茂七親黨三十餘人執之謀大舉直擣其巢因積
 勞兵事犯厲氣卒汀人聞之如喪父母請于朝立忠
 愛祠祀之而歸化人即所沒之地立忠臣廟以祀得
 仁二月諭北虜曰自開闢以來中國必有聖人受命
 主四方天命不與不能久也我高皇帝受天明命傳
 世至朕惟成憲是遵今爾欲我遣使往來非我高皇
 帝成憲正統中以此失好英宗皇帝悔而止之爾能
 歲遣朝貢朕如故事賞不爾薄弗提衛都督察阿奴
 請進海青上曰野禽蕩心有司却之廣西流賊攻劫

梧州博白等處鬱林尤甚上曰都御史吳禎蔽賊不
 以聞其記過御史趙啟為故尚書于謙諸臣訟冤乞
 收回暴章於天下施存歿之恩上曰是自昔奸兇不
 誣人惡不能甚人罪不甚人罪不能大已功朕在青
 宮稔聞謙寬謙社稷臣也他諸如啟言亟行之甲午
 耕籍責兩廣四川有司協力剿殺趙鐸賊勅兵部簡
 閱十二團營將士罷黜把總等官不任者選強將補
 之趙鐸賊聽招安命守臣撫循之戎縣山都掌蠻反
 三月浚通濟河要兒渡口虜構朶顏三衛以九萬騎
 入遼河總兵官武安侯竑率兵禦卻之以布政使王

恕爲副都御史撫治南陽荆襄三府流民丁巳幸太
學癸亥月食覆天下屯田四月減曲阜縣孔氏子孫
田租三之二陞翰林院修撰岳正禮科都給事中張
寧爲知府五月修比干墓於汲戊午火星畱守斗宿
勅羣臣修省四川賊趙鐸伏誅六月革太平侯瑾爲
錦衣指揮使與濟伯宗爲指揮同知七月設鄰水樂
至東鄉資陽四縣兩廣賊掠陽江等縣廣東副使毛
吉知縣王麒驛丞秦瑄死之予贈官有差兩畿河南
浙江兩水傷稼命撫按賑民八月命工部右侍郎沈
義右僉都御史吳琛巡視民瘼義於北畿琛於南畿

傳奉陞文思院副使李景華陳敷任傑爲中書舍人
九月發銀四萬賑鳳陽徐州饑祠宋儒楊時於延平
以羅從彥李侗配十月吏科給事中沈瑤等言比來
納米粟監生得爲學正教諭非所以重學較請用乙
榜舉人如故事限年五十以下者吏部覆奏從之著
爲令大藤峽蠻賊夜入藤縣城掠庫劫印命諸司覆
奏毋過五日十一月廣西徭賊入高廉二府劫其府
印庫物遂擢連山知縣孔鏞試高州知府靈山知縣
林錦試廉州知府給孔顏孟三氏學印許三年貢有
文行者一人入國學後軍都督同知李鐸使朶顏三

衛歸獻馬四十餘匹上曰鐸不能宣布威德於外夷
 乃求馬來獻却之十二月祠元儒劉因於容城荆襄
 賊劉通石和尚起命撫寧伯朱永佩征虜將軍印總
 兵官都督同知喜信充左參將都督僉事鮑政充右
 參將以官軍萬五千餘討之以工部尚書白圭提督
 軍務

二年正月虜三萬騎近安邊營境使備之諭荆襄流
 民復業被賊脇者許自歸有能擒賊者倍軍功之賞
 復歸十二營官軍於三營命貴州巡撫副總兵會剿
 都掌蠻賊詹事府少詹事孔公恂言邊下獄尋出為

漢陽知府

公恂為人直蕙與衆不合初為給事中以
 宣聖後且衍聖公孔弘者大學士李賢壻

也遂不次用為少詹事已有嫉之者及上即位改大
 理寺少卿尋自奏復少詹事至是上疏論邊事謂總
 兵中止有朱永一人於是諸總
 兵譁然不平言官聞風劾之 劉通賊僭號王分其

黨與劉長子石和尚為將軍軍師辛酉祔英宗主於

太廟壬戌皇長子生母曰萬氏命九卿大臣各舉堪

任布按二司官吏部從公分職日後坐賊連坐舉者

二月重修闕里孔子廟成御製文紀之虜人寧夏環

縣及保德州三月大學士李賢丁父憂命傳而奔喪

葬畢亟來賢乞終制不許冊封萬氏為貴妃柏氏為

賢妃命禮部度僧以賑民韓雍破大藤峽賊朱永白

圭與僉都御史王儉擊敗劉千斤於南漳皆勅獎之
 閏三月勅湖廣總兵官都督同知李震討靖州苗賊
 工部侍郎沈義右僉都御史吳琛巡視無狀下獄以
 禮部侍郎鄒幹代義都御史林聰代琛吳琛繁昌人既登鄉榜勵
 學不懈至吐血數升景泰中成進士拜監察御史天
 順中以劾奏石亨忤旨補遷安知縣尋還臺職累遷
 右僉都御史巡撫甘肅與平卷將軍衛穎征勦西番
 扒沙巴哇等七族斬獲千三百級成化改元淮揚饑
 命琛賑恤琛勞心荒政多以便宜行事以切直忤權
 貴坐生謗毀遷官南臺代者林聰言琛誣枉聲稱遂
 重連內外艱賻贈一無所受服將闋朝廷即家命
 巡撫兩廣尋命巡撫湖廣居官五年吏民上章乞留
 韓雍致仕僉謂惟琛可以代之於是輟琛以去父老
 扶攜攀送齋咨涕洟一時巡撫大臣深得軍民之心
 者莫琛如也琛在兩廣訓士練兵檄召羣寇曉以禍
 福無不踴躍革心向化成化乙未卒于官為人勤敏

自童年至沒齒雞鳴而起二鼓而寢雖關外事繁
 酬無滯博觀羣書上自公卿大夫下至閭里後生書
 教往復靡不手答平生所得俸祿費於親舊身沒之後資業蕭然
 四月湖廣苗賊糾

合廣西徭獍焚掠淑浦諸縣朱永白圭等擊敗劉通
 於豆沙河境擒之以獻皆伏誅趙輔韓雍搜戮大藤
 峽餘賊有功竝勅獎之五月翰林院修撰羅倫論李
 賢宜聽終制黜為福建市舶副提舉李賢還京再求
 終制不允禁侵損古先帝王忠臣烈士名賢陵墓監
 察御史楊琅請復王徽羅倫官上曰比姑宥罪六月
 調儀封知縣胡澄於杞儀封人畱之兩廣賊寇平命
 趙輔班師石和尚賊燒劫文昌縣治夔州通判禎遇

害虜入延綏境使彰武伯楊信佩平虜將軍印充總兵官統京營兵往討之夏津知縣薛正九年秩滿縣民保畱從之七月虜入寧夏西安知府余子俊平涼

知府王正保寧知府李正芳

正芳麻城人麓川用兵以戶部主事有功歷知

東昌南陽保寧三府能聲著聞在保寧以軍功加從三品俸尋陞山西右布政使為人幹局敢為不拘小

節保定知府周晟鎮江知府姚堂東昌知府徐琅登

州知府韓敏湖州知府丘璿常州知府宋璽蘇州同

知盧忠王貴濟南同知楊必貴通州知州何源薊州

知州史素崇慶知州周尚文濱州知州

泰安

知州李琪高唐知州郭昇曹州知州伍禮鈞州知州

鄭珪光州知州彭述安慶府推官宋瓊山東布政司

楊暄順義知縣徐晟灤縣知縣賈貞長垣知縣

劉弘吳江知縣韓槃嘉定知縣龍晉華亭知縣石玫

當塗知縣韓恭欵縣知縣吳遜儀封知縣胡登柘城

知縣李琳新鄉知縣楊清獲嘉知縣邢表汲縣知縣

盧信湯陰知縣尚璣臨漳知縣戴昕光山知縣曾瑀

固始知縣薛良濟源知縣段永邾縣知縣王璽陽信

知縣曰旻商河知縣寇源嘉祥知縣慶福山知縣

段堅太湖縣丞彭賢竝以廉能賜誥勅旌異冊皇弟

見治為忻王見沛為徽王魯王肇輝薨申戒出使王

府官毋受宴餽虜寇固原勅諸將協心防禦八月申
姦淫及居喪宴樂之禁以虜寇深入命兵部尚書王
復往延綏左都御史李秉往大同整飭邊備定納馬
贖罪諭祭故少保兵部尚書于謙復其子寃爲府軍
前衛副千戶九月禁邊衛官假貸罔利十月虜入延
綏右參將署都指揮湯胤勣死之予贈祭總兵官撫
寧伯朱永白圭與都御史王恕討石和尚劉長子等
於荆襄擒之傳陞尚寶司卿凌敏等十三人皆以寫
佛經道書及工匠之役進者自是其途益廣巡按河
南監察御史以反賊劉通疎屬并傳錄財產解奏上

曰族殊非聖世法其亟發寧家財產還之十一月刑
部員外郎彭韶言事逮鞫錦衣獄并罪及代韶書進
士林敷虜入安定縣虜入遼東以平兩廣流賊功封
趙輔爲武靖伯韓雍和勇等論功有差皇長子薨十
二月命刑罪毋覆奏御史方佑復以請上怒杖之調
外任大學士李賢卒命大常寺少卿兼翰林院侍讀
學士劉定之於內閣參預機務令順天府收養巷市
疲癯殘疾於養濟院

三年正月以平荆襄賊功加白圭太子少保支從一
品俸進朱永爲侯廣西斷藤峽賊破容縣焚劫而去

賜朝鮮國王瑀曰周却旅獒朕甚慕焉王三致白鵲
 烏海青諸物獵致珍異未免勞民或生其咨夫王詩
 書禮義之國也尚忱念之賜蘇州知府邢宥勅曰比
 歲守令匪人朕甚念焉爾治蘇多年庶民瞻之特陞
 為浙江布政司左參政仍掌府事爾無渝心庶副朕
 委宥字克寬文昌人正統十三年進士授監察御史
 廉介不少假借景泰初治宦官王振黨獄督通州
 糧實宣府甚有能聲出按福建後按遼東風裁振一
 時天順庚辰遷知台州居四年兩以按歷舊事就逮
 台民數千人詣闕奏留調晉江丞踰月擢知
 蘇州力以淳朴變其侈俗擢左僉都御史勅京營
 總兵太保會昌侯孫繼宗曰虜酋毛里孩渡河而東
 以侵大同聲言求貢殊無誠心今欲選一宿將統御

團營精兵五萬以俟調遣孰可者選兵五萬果足用
 否卿為朕畫之繼宗請調二萬赴代州調三萬絲宣
 府至大同接應禦虜總兵主將請聖裁下兵部議可
 任者遂以撫寧侯朱永佩平胡將軍印充總兵官右
 都督劉聚充左參將都督同知鮑政充右參將率京
 營馬步官軍十五萬往二月丁酉朔日有食之毛里
 孩三上書求貢許之勅曰朕受天命承祖宗內華外
 夷皆赤子也弗率政化有怒無拒爾毛里孩昔嘗來
 廷矣忽擾我邊悔過歸誠朕特免爾來爾即率領部
 落退處邊外所調使臣人毋過三百夫天道好生朕

所奉以子民也爾體朕心朕將錫爾福焉命巡撫大同右副都御史王越贊理軍務兼紀功賞以邊城屢警京師當嚴命太子少保戶部尚書馬昂右副都御史林聰左給事中潘禮陳鉞清理京營軍士徭賊陷北流縣德王見濟之國李震討靖州苗大克之祠宋儒何基王柏金履祥許謙於金華三月召復商輅爲兵部左侍郎兼翰林院學士參預機務封趙輔爲武靖伯左都督毛忠爲伏羌伯四月威州知州何淵以母喪去任夷人請留之命仍爲知州馬昂等清理京營軍報命上命仍分爲十二營操練改白圭爲兵部

尚書同定襄伯郭登太監裴當提督之設十二營坐營官每營令內官一員協同管操十二營曰奮武曰耀武曰練武曰顯武曰敢勇曰果勇曰効勇曰鼓勇曰立威曰伸威曰揚威曰振威虜毛里孩遣使朝貢乞報使不許科道官請上勵精圖治所敬懲慾節遊適宴樂之事罷金豆銀豆無名之賞與羣臣脩省以弭災變上嘉之六月戊申雷震南京午門召復羅倫官調之南京刑科左給事中毛弘等言請并復王徽王淵朱寬李鈞李翔等不許命襄城伯李瑾佩征夷將軍印充總兵官兵部左侍郎程信爲兵部尚書總

督軍務調四川貴州官軍勦捕山都掌蠻

程信字彥實休寧人

正統中進士授吏科給事中英廟北征偕廷臣疏諫不報師潰土木虜遂南侵京師戒嚴命守西城虜薄鄱城都督孫鏜禦之失利乞領衆入城信堅持不可躬督諸軍城上以火鎗礮石鼓譟下爲鏜援虜引去景泰中陞左給事上皇居南宮上中興固本十事其一事則以天象屢變請景帝隆孝友答天心陞山東右參政總理遼東邊餉巡撫都御史奏倉官吏卒盜糧石以上者死乃造新斛視舊加二寸付信信立碎而火之曰使彼真盜不足卹今故造此斛置人死地豈情也哉以憂去轉四川分巡松潘夷亂偕侍郎羅綺進攻破其黑虎諸寨英廟復辟錄景泰間上言之人陞太僕卿遼東巡撫缺員陞都察院右僉都御史建州夷酋董山潛結朝鮮使主官修成授以成算往廉之得朝鮮授董山中樞院使制書以還信請乘其未發急遣使問之以伐其謀朝廷命一給事往朝鮮一錦衣譯者往建州兩酋初不直承出制書示之咸相顧愕然各貢馬謝罪虜酋孛來聚衆欲入寇信率師巡邊營于境外者凡三月坐累調南太僕少

卿陞刑部右侍郎成化中山都掌蠻大壩山等寨之險叛服不常陞尚書提督軍務與李瑾討之信至承寧自督大軍入金鵝池又分四路兵期會于大壩將士依信方畧用神銃勁弩攻城賊不能支連破二十餘寨獲銅鼓數十斬首五千級生擒二千餘賊復走入深洞信命軍士以土石塞其門圍之月餘賊死洞中臭聞十餘里又陰察九姓土獠之附賊者還師撲之未及載都掌悉平進大理卿陞南京兵部尚書彗出軒轅與六卿合議復上興利除害三十餘事多見諸行居四載乞休卒諡襄毅 七月加封

漢董仲舒廣川伯宋胡安國建寧伯蔡沈崇安伯真

德秀浦城伯勅曰地載失寧南京午門復有雷震之

異朕齋滌求過爾在廷諸臣共朕天職得無有竊

蔽賢懷利徇私未達聽聞者乎夫怠而能勉過而能

改知止足而能退朕所與也遂并勅南京文武羣臣

修英宗睿皇帝實錄成加陳文彭時太子少保兼文淵閣大學士九月停徵江西湖廣有災稅糧冊泰堪爲魯王十月總兵官武靖伯趙輔左都御史李秉勦建州虜克之十一月增雲南貴州鄉試額十二月流賊入石康縣執其知縣以去編修章懋黃仲昭簡討莊杲上書言事杖之調外任

四年正月改章懋黃仲昭莊杲於南京免外調甲戌月食陰不救護論平建州虜加李秉太子少保進趙輔爲侯三月命祀宋丞相李綱于邵武府學建州虜復糾合朵顏三衛寇遼東開原塞上戶科左給事中

丘弘等言國初北直隸山東地方土廣人稀太祖太宗屢渙綸音許民耕種永不起科聖謨遠矣乃權豪勢要專利病民或稱爲退灘或指爲空圖往往朦朧奏請切見嘉善長公主累請文安等縣閒地西天佛子劄實巴奏求靜海縣地及宛平佃戶俱蒙俞允夫公主帝女也兼以駙馬兩祿猶稱不足劄實巴佛徒也反慈愛行剝奪承行者受其囑托勘報者畏其權勢失百姓之恒業飽谿壑之無厭伏望收回前命還給下民仍勅該部痛革往弊示以重法上是之繼自今一切不許著爲令命提督兩廣軍務兼巡撫左副

都御史韓雍專一總督軍務增置廣東廣西巡撫官各一人四月錄故右都御史顧佐左都御史軒輓左副都御史馬謹禮部右侍郎王士嘉南京刑部尚書耿九疇南京戶部尚書沈翼子孫各一人入國子監讀書李瑾程信討山都掌蠻平之賜勅獎諭封西僧剗巴堅參爲萬行莊嚴功德最勝智慧圓明能仁感應顯國光教弘妙大悟法王西天至善金剛普濟大智慧佛剗實巴爲清修正覺妙慈普濟護國衍教灌頂弘善西天佛子大國師鎖南堅參爲靜修弘善國師早禱亦命審錄獄囚出矜疑并行于南京五月冊

祁瑛爲鄭王祁埤爲肅王詔順天府存恤孤貧討周壽爲慶雲伯都察院左僉都御史張岐有罪除名御史謝文祥奏張岐故禮部尚書姚夔所舉及科道劾岐左給事中陳鉞與同里不署名二臣皆宜罪因爲主事彭韶訟直上下文祥獄已降爲南陵丞甲寅懿皇太后崩上屈於太后欲無附裕陵下羣臣議七月戊午朔越明日己未又明日庚申羣臣連章言不可禮部尚書姚夔率諸大臣跽伏文華門俟命上固請於太后乃命合葬辛酉上始衰而見羣臣固原士達滿俊等作亂命太監劉祥監軍務巡撫陝西右副

都御史項忠總督軍務都督同知劉玉佩平虜副將
軍印充總兵官都指揮同知夏正劉清充左右參將
統兵討之起丁憂南京大理寺卿馬文升爲右副都
御史巡撫陝西與項忠協同勦賊丙子上慈懿皇太
后尊諡八月論平山都掌蠻功進程信兼大理寺卿
李瑾爲侯封左都督羅秉忠爲順義伯癸巳京師地
震九月庚申祔葬皇太后裕陵癸亥彗星見六科給
事中魏元等言竊見今春以來災異疊見近又彗見
東方皆陰盛陽微之證也臣聞君之與后猶天與地
不可得參貳焉聞陛下於中宮有參貳之者禮部尚

書姚夔等嘗言之陛下謂內事朕自處置屏息傾聽
將及半年而昭德宮進膳不聞減中宮不聞增夫宮
牆雖深視聽猶咫尺衽席雖微懸象甚著陛下富有春
秋震宮尚虛豈可以宗社大計一付愛專情壹之所
不求子孫衆多固萬年之業哉君者民父母也子有
饑寒疾苦父母必寢食不安今四方旱澇民困日急
盜賊日盛荆襄流民所在劫殺人心搖撼陛下覽饑
民之奏不蒙省懼尚循故事付部施行尚書馬昂等
持尋常活套之言以爲題覆殆猶子訴饑寒父母若
不聞知今賣官鬻爵徧於內外征稅未罷內帑未發

兩京文武大臣多奸貪蒙蔽之徒陛下謂先朝舊臣不忍遽去夫大臣者君之冢子而小臣衆子也若冢子懷姦衆子効尤父恬不治家道散矣至於僧徒過爲信待每遇生愍之辰輒費無限貲財建無益齋醮而西番劄實巴等又加以法王名號賞賚隆厚出乘樓橋導用金吾計其奉養過於親王又朝廷賞賚無節玩好太多或叩施經懺或填寫佛經或爲繪畫之像或造寶石之具雲南等處鑛場採辦不止如此而欲民富國安不可得也伏惟陛下思祖宗傳體之重正宮闈之分罷徵稅之務施賑濟之政革去法王等

號勅止寺觀不得建醮修齋節無益之賞罷不急之好大臣不職者許其自陳休致則天變可弭治道克舉上曰宮中事朕自處之其餘所司施行十三道御史康永韶等亦奏比者雷震殿門風拔陵木旱澇地震中外迭聞星象垂異密邇三垣兼今西兵失利南北荐饑人事天時皆可憂懼臣聞太子天下本古者人君一娶九女以廣繼嗣今前星未耀宗廟神靈四海人物所托陛下宜念也伏望均六宮之愛協宜家之祥庶幾螽斯麟趾繩繩振振如是則大本立佛之無益從古論之今寵遇番僧有佛子國師法王名號

儀衛過於王侯服玩擬於供御錦衣玉食徒類數百
竭閭閻之脂膏奉虛幻之妄徒又多中國之人習爲
番教圖寵貴者伏望資遣番僧使之還國若繫中國
人追奪成命使供稅役如是則民生厚祖宗以儉立
國嘖笑不輕近年予旣太濫用亦大奢一美珠而賞
銀數百一寶石而累價巨千傾府庫之財易無益之
物又後宮供奉倍增光祿常供不足以給則和買於
外如唐宮市民心惶惶怨言盈路伏望節珠寶之費
減宮闈之供如是則民心悅陛下卽位之初放鷹犬
罷土木海內欣欣近日以來土木漸興鰲山預建伏

望痛自挹損罷去不急其採辦銀鑛印馬內臣已行
者取回未行者停止如是則民困舒上納之命西天
佛子劄實巴出所求田地歸民勅曰朕弗克修心正
身近御家邦遠寧海宇將奚絲格高厚感神祇八月
癸巳京都地震九月初以來彗見北斗朕齋滌自新
祇告天地非徒言之爾文武羣臣輔朕尚各警怠去
欺堅忠固節天將鑒之以不致罰朕將資之以不負
使三光上全九域下安豈非君臣同德之効與爾文
武羣臣圖利之禮部請發遣番僧上曰恐失遠人心
惟禁僭耳監察御史左鈺言比者言官陳言請革番

僧名號斷天下之疑絕後代之惑陛下是之及禮部
欲行發遣又復停罷伏望師周孔之格言行堯舜之
常道佛若有知必是臣言不報彗之見也給事中董
旻陳鶴胡深監察御史陳宏鄭己何純方昇張進祿
林誠各劾奏商輅姚夔程信等不職當罷上皆留之
輅各上章求退而夔自負才氣心不能平其章多詆
言者至比之匿名之書疏言之謗旻等復劾論輅信
而攻夔尤切謂先王之世采民謠以觀政而夔以比
匿書祖宗之制許言官風聞言事而夔以比流謗欺
天罔人亡忘特甚乞早罷之如以臣等所言不信卽

乞補臣等於外上震怒謂言官糾劾生殺予奪悉聽
上旨此祖宗憲綱旻等乃故違再劾命錦衣衛三法
司執同多官廷鞫之林誠又言臣以病軀勉強供職
近劾商輅當邸邸廢儲之際不能救正今復起用不
合人心蒙聖諭以輅居內閣累有諍言非外所知臣
思言旣失實宜加罪譴乞放歸田里上曰唐太宗用
王珪魏徵朕用商輅有何不可而屢瀆奏亦命廷鞫
之十月給事中毛弘等上疏抹解商輅亦言於上上
命人杖二十復其官以脩德弭災考察內外官員項
忠等征勦滿俊賊敗之伏羗伯毛忠死焉賜贈諡祭

葬忠等皆降勅獎諭之旌異蒲州知州徐孚吉州知州伍琇龍陽知縣李泰和州判官張翀臨朐知縣卜釗淄川知縣劉文寶雞知縣馬傑賜誥勅十一月庚申彗滅十二月贈死賊者夔州府通判王禎雷州府通判王麒各爲本府同知叙州府戎縣知縣李旺爲本府通判賜誥勅監察御史邵有良巡視光祿寺以寺多蠹費令所司報實而署吏遲之有良杖吏中官回保不便其執法誣奏有良索報各宮日用之數事涉不敬上大怒令陳狀旣陳狀杖之調外任御史戴用上六事其一言薦舉上曰今後兩京四品以上官

缺吏部具缺朕自簡除方面官如正統間例保舉備史劉璧等言除吏不必躬親卽保舉用人亦恐有市恩植黨之弊上曰特旨擢用大臣與大臣保舉方面皆祖宗法也令吏部具疏永樂以來除授勅旨宣德正統間保舉故事以聞因責璧等陳狀

五年正月韓王徵針薨吏部尚書李秉罷二月進封撫寧侯朱永爲伯項忠與馬文升平滿俊賊獻俘伏誅閏二月詔官員三年滿後乃得旌異若所舉不公或以奸貪敗者連坐之三月正一嗣教大真人張元圭坐奸淫械繫至京下獄論死四月皇子生五月癸

丑朔日有食之封前軍左都督和勇爲靖安伯廣西
流賊焚劫廣東陽春縣靖江王佐敬薨十月旌異雲
南左參政路璧松江府同知傅愷開州知州謝鳳真
定府推官吳箎無極知縣石倫武邑知縣楊琇臨城
知縣張佐新安知縣魏恭山東按察司知事楊升賜
誥勅十一月虜寇延綏分掠保安安塞二縣十二月
慶王秩燧薨置太平縣

六年正月大同總兵官彰武伯楊信與副總兵都督
僉事徐恕右參將都指揮同知張瑛擊虜胡柴溝堡
勝之降勅獎諭壬戌甘露降於郊壇二月兵部尚書

白圭等言陝西延慶平涼等處人民累遭寇掠加以
官府酷虐轉徙流離困苦已極四川瘡痍未瘳兩廣
盜攘未息疫癘大行於閩粵災異迭見於淮南且旱
潦相仍者連歲南北畿甸河南山東雨雪愆期二麥
稿死而荆襄流民動以四十萬計衣食所迫姦盜繇
之乞簡命兩京大臣循行天下考覆政事黜罷不才
官吏便宜興革其有巡撫官者就委行之上曰其與
吏部計於是圭與吏部尚書姚夔等議陝西山東山
西湖廣荆襄兩廣貴州南北直隸具有巡撫都御史
勿論江西有撫民按察使趙啟雲南多繫土官衙門

可無遣當遣者河南四川浙江福建及直隸大名等
 府上命刑部左侍郎曾鞏往浙江戶部左侍郎原傑
 往河南右副都御史滕昭往福建南京戶部右侍郎
 黃琛往四川大理寺少卿宋旻往大名名趙致還京
 以南京大理寺少卿夏時正往召巡撫湖廣都御史
 羅篪掌南京都察院以南京右僉都御史吳琛代之
 賜勅以行曾鞏字時升泰和人宣德八年進士差營
 藩王葬事不受一物正統初授刑部主事
 嘗佐戶部侍郎焦宏備兵吳越焦還朝語人曰曾公
 雖使宿金帛庫不染也累遷河南左布政荆襄盜起
 念王師出征必道其省豫峙銀粟以備犒軍師至如
 歸歲饑民貧須賞軍銀萬兩公私莫辦會計倉糧數
 多出百萬平糴軍賞無缺先行後奏皆從其言召為
 刑部左侍郎命巡視浙江許便宜行事考察官吏多

得其當唯去布政使張清頗乖輿論還京署部有中
 貴怙寵殺人具奏逮治于是京師威貴無敢犯法乞
 致仕歸家居二十餘年足跡不一至城府當道議歲
 撥供役又有詔文臣五品以下廉且貧者歲給俸皆
 固辭不受滕昭字自明汝州人正統六年以鄉舉
 授監察御史巡按順天福建俱有聲績天順初擢左
 僉都御史以憂去成化初奉命巡撫遼東謹斥堠嚴
 訓練備芻粟明賞罰數年虜不敢近塞疏言大明律
 一代定法而決斷武臣獨舍律用例坐是益貪縱不
 簡請一切以律從事詔從之久之武人騰謗奏格其
 令成化二年進右副都御史總督漕運兼巡撫淮揚
 昭奏建吳二庶人宜移本城舊中書之省居之或安
 置有城池軍衛之所稍便出入亦聖王罪人不孥之
 意疏下禮部議止五年一名還復遣巡視福建上杭
 有紫雲臺者鄧茂七之黨嘗據為亂昭請立歸化縣
 治未還改視蘇松以馬馱沙最繁盛寄治江陰請分
 置靖江縣俱報可七年拜兵部右侍郎復轉左侍郎
 值江直管西敵刺事僭橫日熾中外累足立於是兵
 部尚書項忠倡義草疏約九卿會劾詔罷西廠而御
 史戴縉久不得調乃言直所行皆公直不宜革罷於

是直得管西廠如故縉遂進用直既司廠事首發忠
 過廷鞠遂坐賊罷去招亦以忠故致仕年五十九卒
 夏時正字季爵仁和人登進士第五人以南大理
 寺卿被命巡視江西黜貪濁者二百二十餘人革濫
 徭理庾賦放免無名稅十餘萬石勸民出粟七十餘
 萬賑饑民二十三萬戶修築南昌城長河洞民叛服
 不常單車詣巢穴曉以威德感泣歸順復疏時弊二
 十事以聞當道有不悅者三上章乞去得旨遂行歸
 抗傲屋以居左右經史著述為事藩司為建西湖書
 院於孤山復建和靖巢居閣以居之卒年八十九故
 彖宰華亭錢公作海內耆英會時正其一也所著有
 餘畱藁三十五卷太常志十卷三禮儀畧舉要各十
 卷杭州志六十三卷禹貢詳節一卷
 晚好春秋作春秋辨疑未脫藁卒
 勅曰朕夙夜治
 理自冬阻春災異荐臻雨雪不降豈德不敏而政多
 缺與抑爾郡臣弗克竭誠盡公輔朕不逮也朕將率
 爾禱于山川其各洗心滌慮勤脩乃職凡政事未善

刑罰失中及有惠利可與舉寃抑可伸理者條具以
 聞於是吏部等衙門尚書姚夔等官合奏引罪辭職
 上曰朕勅爾脩省合辭求退豈交脩哉所命條具速
 議以聞丁丑車駕詣禱大風沙昏是日河南開封府
 晝晦如夜三月庚辰京師雨霾晝晦陝西寧夏大風
 揚沙黃霧四塞翰林院編修陳音請上御經筵之外
 召問一二儒臣以弘講學之功佛子法王真人名號祖
 之徒乞降其位號杜其恩賞上曰佛子真人名號祖
 宗之舊如何可更虜人延綏詔延綏開屯田旌異山
 西僉事胡謐保寧知府章津淮安知府楊景杭州知

府張億鳳陽府同知戴耀安州知州趙瑛徐州知州
王叙南昌府通判虞良阜城知縣林恭吳橋知縣張
鐸館陶知縣唐禎安丘知縣何鎮賜誥勅命撫寧侯
朱永佩平虜將軍印充總兵官都督劉玉劉聚充左
右副總兵太監傅恭顧恒監督軍務右副都御史王
越參贊軍務往延綏備虜四月陞監察御史梁鑑爲
陝西按察司副使撫治漢中流民五月上欲建佛閣
於西山尋以六科給事中言罷之復置興山縣六月
戊申朔日有食之以會舉官未得人命吏部自今方
面官缺推舉兩員來聞不必會舉著爲令七月皇子

生是爲孝宗皇帝母曰紀宮人以京師大水民舍倒
壞命戶給米一石死傷者給二石乙酉奉安孝莊睿
皇后主于太廟命都察院右都御史項忠吏部右侍
郎葉盛賑饑都城內外右府署都督僉事李杲撫治
屯營達官人等以京城內外盜賊縱橫命選五城兵
馬及責成錦衣應捕官較開設漳平縣朱永擊虜勝
之八月詔曰比者災沴荐臻畿甸尤劇三時不雨一
雨連旬旱澇相仍民食乏絕循省厥咎在予一人百
姓何辜罹茲艱厄其令所司理輕繫蠲租稅諸逋負
鹽鈔鹽課毋徵踏失馬駒上林苑虧損生口毋責償

及採辦物料未入者已之名還北直隸河南山東清
 軍御史發各預備倉資賑濟荆襄流民所司謹視毋
 令失所事有便民者以聞九月秀王見澍之國發京
 通二倉平糶以賑民十月刑部覆奏真人張元吉行
 刑詔免死杖之百發肅州衛充軍都給事中毛弼等
 言元吉罪重惡極殺人獲生何以馭天下伏望市戮
 以昭國法上曰己之十一月以荆襄流民羣聚為亂
 命項忠總督河南湖廣荆襄軍務復設浙川縣十二
 月以冬深不雪命大臣禱于山川遣官分賑近畿饑
 民以畿輔水澇遣官祭告于北嶽北鎮以賑饑無策

降順天府府尹嚴鐸為知府戶科都給事中丘弘等
 言京城內外風俗僭侈簇盤糖纏豐備酒席服飾用
 織金寶石亡論貴賤射利之徒至販賣寶石以為專
 業或以進獻為名邀取官職倍獲價利蠹國病民乞
 嚴禁革下刑部議上命備榜禁約犯者不宥
 七年正月令六部都察院等衙門四品五品管事官
 及科道掌印官各舉所知一人調南京監察御史沈

源於外任

初南京僉都御史高明言守備軍士宜時
 令給事中御史閱視時隊長受賂軍伍多

缺守備官役占尤多源乃令各衛悉具名數并本軍
 年貌按之將盡革其弊於是成國公朱儀及太監安
 寧等不悅因疏言南京國家根本軍機朝廷密務源
 視為常事討問名數且操練之時御史忽至則軍士

紛然出候使事體不專軍機不密誠為非宜上然其
 言以御史更易不常何乃更張擾亂如此命械源至
 問理仍命自今但令內外守備參贊官閱視著為令
 凡御史預軍事者皆罷之至是源至下獄刑部擬罪
 以聞有旨贖罪改外任源之被調也南京御史給事
 中及刑科給事中虞瑤等交章論救上以事既施行
 不聽

下南京禮部郎中呂晟及主事林孟和于南京刑

部獄先是孝陵祀事自宣廟登極後委勳戚大臣主
 之駙馬都尉趙輝承命主祭已久至是以母憂
 辭南京禮部乃會官擬請成國公朱儀代輝以聞命
 未下儀辭不敢擅往南京太常寺少卿潘榮劉宣以
 儀辭為當移文輝仍主祭晟等乃上奏劾儀等曰謹
 按大明律凡大祀及廟享百官已受誓戒而弔喪問
 病者罰俸一月其知有總麻以上喪令陪祀者罪同
 謹詳律意弔喪不可則居喪豈可總麻不可則斬衰
 豈可陪祀不可則主祀尤不可者國家制律一本乎
 禮律之所在禮之所在也儀受朝廷重寄雖未奉詔
 旨而仰體聖心代輝行事未為不可榮宣輩依阿聽
 從俱不諳大體不權時宜臣等職忝禮官義不容

乞勅該部詳審所奏議擬明白上下其奏於禮部尚
 書鄒幹幹上奏晟等所論禮之在臣下者也儀等之
 守禮之在朝廷者也人臣以君命為重而事有成命
 者不可以擅更禮義絲人心而生而情有不同者不
 可以槩論陵寢之祭寓哀愴之情視之廟享禮實不
 同駙馬及陪祀官恭詣長陵等陵行禮俱不分有無
 服制亦不可純用吉禮况孝陵祝文當稱孝會孫嗣
 皇帝謹遣某官之詞此乃成命不敢不遵者若令儀
 暫以代輝則祝文改易不幾詐傳詔旨然則輝仍主
 祭者蓋以君命為重儀等辭不往者亦以成命當遵
 揆諸禮法俱為允當晟等名曰引律心實挾私辭若
 議禮意實償忿宜治其婪命下之獄

林孟和

人居官一年上言本部侍郎倪謙皆傳奉得官臣觀
 其人貶法徇情市恩鈞譽未同而為之屬

孟和毀辱大臣調為慶陽通判

三月增置工部屬

官三員稅課抽分於太平蕪湖縣荊州沙市杭州城

南前此三處客商停聚竹木市賣有司收其課鈔至
 是工部尚書王復以在京蓋造公署造成供應器

物及在外料造運船費用缺乏建請添官分往抽分
解部以充營繕是年所得僅餘千金其後續差者歲
歲加益至以萬數遂相率廢削封後軍都督府左都
為能商人頗有怨聲屢懇不省

督劉聚為寧晉伯

劉聚御馬監太監永誠之姪歷官右都督前此充副總兵與撫寧侯

朱永禦虜于延綏嘗失利黃草梁被創幾死而我師轉戰擒斬虜級奪獲賊馬論功進陞左都督聚不滿

意累自陳功輒為兵科所駁上不聽與聚伯爵不世襲祖宗之制公侯伯爵皆論功定議蓋積其前後之

功無官可賞然後加爵非如百戶一級可至千戶千戶兩級可至指揮也自都督同知趙輔征兩廣還大

肆賂遺得封伯爵人始不以得爵為難或襲以為例蔑舊制矣乙酉上復御經筵丙

戌上復御午朝禮部左侍郎邢讓國子監祭酒陳鑑

司業張業俱坐罪除名四月命外任考滿應選用風

憲者悉聽吏部推擢著為令旌異四川按察司僉事

李瓛江西僉事史瓘廣平知府熊懷呂州知府阮勤

嘉興知府楊繼宗真定府同知曾達淮安府同知安

鈍東昌府同知陳儵杭州府同知陳祥九江府同知

相迪階州知州楊冕臨清知縣薛芳樂平知縣金澤

給誥勅五月以民疫多死置漏澤園於京城外蜀王

申鉉薨七月荆襄總督軍務右都御史項忠鎮守湖

廣總兵官右都督李震撫捕荆襄流民事竟降勅獎

諭整理天下預備倉遼王貴燬薨九月冊邃壘為慶

王陞戶科左給事中李森為懷慶府通判時各科缺給事中吏部各以本科資次當補者列名上請上皆如所擬惟森以左給事中特命陞外任吏部擬森興化府知府

復命有通判缺除去閏九月置靖江縣十月夜殺吉

至是擬森懷慶通判

安知府許聰聰以吉安民好訟劫盜方熾且奉勅行

又其爲人矜傲藩臬官多疾之會副使夏寅提學至

吉安聰屢抗拒寅不堪還語按察使牟俸俸切齒喚

寅奏發其平日兇惡及侵欺官錢諸事未及勘報適

南京大理寺卿夏時正巡視江西考察官員入寅等

言考聰貪酷黜爲民聰不服而守禦千戶蔣慶具以

其貪酷事白時正遂委三司掌印官牟俸等執聰下

獄簡其簿案人命數具疏以聞而監察御史俞蓋以

寅與聰有隙事有干對當提問亦具奏土遣刑部員

外郎李廷美往會勘問還奏所勘人多病死獄中卽

有傷於杖者亦非挾私所致惟侵欺罪實特擬聰監

守自盜律黜爲民刑部以爲宜盡受賊法例發充

軍聰以己被俸等構陷亦具諸人命害己等情懇辯

使夏寅蔣慶及佐使夏時正將人命害己等情懇辯

不已上以聰人命數多疑廷美等有所私蓋時已代

還俱被逮復遣錦衣衛千戶金璋覆實械聰至仍命

都察院會官廷鞫之乃比故勘律擬斬是時司禮監

太監黃高賜用事而吉安人洪僧官往來賜所聽嘗

捶辱洪僧官徒弟瓦擦其首血流被面以是恨聰而

譖之高卽取中旨令卽如所擬處決刑科都給事中

白昂等以未經審錄爲請不從且令毋覆奏遂以是

日夜四禁押赴市曹斬之廷美坐勘聰事不實降衡

州府通判蓋降澧州判官寅等事俱免勘聰之死說

者謂其兇暴致禍但係比律不許復奏又乘

夜行刑皆高之罪而俸尋得召爲太僕寺卿以運河

淺淤調南京刑部左侍郎王恕爲工部左侍郎總理

之戶部請以布一疋准折文武官員俸糧二十石甲

辰月食深州知州韓儒言比歲累廩明詔嚴察官治

而奔競滋甚貪暴遂多乞自今在外有司必待三年

或六年政績卓異民心悅服察之鄰境如出一口方

許薦舉凡有舉主下吏部先察之舉得其人不必覆

勸非其人者必詳核之後以奸貪敗者皆行連坐下吏部覆奏從之十一月甲寅立太子詔天下荆襄南陽等處流賊悉平十二月彗星見勅曰乃者彗見天田光芒西指仰觀玄象祇懼實深豈朕淺涉聞道刑政乖與用人未當賢否淆歟聽言不察是非紊歟將用度奢侈賞賜不節妄費財歟營繕頻煩科斂無正傷民心歟有一於此皆朕之過爾文武臣亦可不痛修省歟凡時政得失生民利病尚條聞之壬午望以星變避正殿徹樂御奉天門如常朝儀癸未朝退御文華殿召見太學士彭時等文武大臣及科道官各

條陳時政皆嘉納之併石炭縣于合浦縣光祿寺少卿陳鉞上言近來蟲蟻房并清河等處畜養猴豹鷹犬之類不下八千有奇計其費每歲肉三萬七千八百斤雞千四百四十隻雞子三千六百九十枚棗栗四千六百八十斤粳稻等料七千七百七十六石直銀通數千餘兩今歲歉民貧流殍載路而羽毛之微得食人食乞行放散人匠倪忠等畫佛雕像歲費食米五百六十餘石工銀三千五百餘兩又多以技藝陞官乞行裁罷歲時及齋醮等事所用菓品曩皆散撮近乃黏砌裝盛尺盤斤數加增至千有餘侈於郊

祀廟享至其求福求嗣祈雨祈晴并無實効夷狄餘教斷難信重乞黜無益停不急以養聖德節財用命所司省之兵科給事中郭鏜言曩歲彗見皇上下容直之詔禁增修廟剝納尚書姚夔疏處內庭有道今復見者豈於三事未克永終歟陛下試思羣臣有以言罪否近習有以禱祠惑否宮闈有以嬖倖寵否內省杜漸則善治可成天變可弭上曰諸大臣已言矣鏜復煩瀆固當逮問姑恕之是時工匠任文思院副使等官夤緣陞擢至三百餘員又有以奇巧託監局官進獻輒乞傳奉一歲三四遷至太常卿通政使者

每朝會宴饗參厠班行偶伍公卿冗濫很多無慮千人至是吏部覆奏廷臣所議乞技精工匠量與賞賜愛惜名爵毋輕遷官從之工科給事中張琳奏彗今久出大臣科道既有會議又復上奏竝蒙俞允朝野慶幸郭鏜之言雖賜優容尚怒煩瀆異求言初意矣祖宗設給事中御史所藉以廓聰明輔紀綱也卽其人未必賢言未必是願須容納養其銳氣宋臣胡寅有曰聽受忠鯁不憚拂逆非止面從必將心改伏惟陛下應天以實從謀弗拂人心悅天意回矣上曰諸臣言當朕曷不從否亦不罪琳何又有此奏起用聞

住都御史滕昭爲兵部右侍郎自內旨左春坊左諭
德王一夔言陛下因彗星之變令大臣科道陳言徒
毛舉耳有可大憂而不昌言臣敢陳五事一曰正宮
闈臣聞家齊而後國治國治而后天下平正倫理篤
恩義厚所厚薄所薄定尊卑遠寵倖溥恩惠廣繼嗣
如是者家齊二曰親大臣臣見皇上接見大臣常朝
之外唯有經筵講讀而已其他四方章奏悉付左右
內臣伏乞時御便殿少霽天威面召商略如是者大
臣親三日開言路臣惟御史給事中之臣近多因言
坐罪降黜乞悉許召還如是者言路開四曰慎刑獄

臣見皇上斷遣刑獄法司唯唯惟順之將夫祖宗舊
制六辟覆奏必三所以重人命廣好生也近吉安知
府許聰立命處決決復以夜夫殺聰當罪猶且不可
况又不當而法司之官絕不論執乞自今刑有不衷
容其執奏大辟三覆遵用舊章如是者刑獄慎五曰
節妄費臣唯京師創造寺宇費動以數十萬計又連
歲不休報國之工甫畢崇國之役嗣興奉佛無益古
事已明竭財不經儉德匪慎至如寶石藏在內府儘
是充後宮矣京民涂宗順進獻無算靡濫難言所宜
一切罷斥如是則妄費節上曰陳言耳而妄自張固

當治也方求言姑宥之虜入西安州固原二路虜入
三夏花馬池等處參將都指揮錢亮擊走之

名山藏卷之十六

臣何喬遠恭輯

典謨記

憲宗純皇帝

八年正月虜入大同西路募民納馬予寇帶揀閱各
營馬步官軍兵部言日者四川盜起燒劫榮捷爲二
縣山西河南山東草寇竊發南北直隸水旱相仍淮
河淤塞湖水耗竭所在民多轉徙行舟財被劫掠浙
江旱潦齊患去歲江潮益漲草盜竊起兩廣之賊陝
西之虜荆襄之流民寧息靡日所在有司旣不能消

變於未然又不能弭患乎已發事機一失爲憂將大
伏惟申飭中外除盜安民禁嚴撫捕罰重隱蔽務絕
其根類毋容玩愒納之猺獯賊首黃公剛等劫濱州
及上林縣等村峒癸亥皇太子薨虜入安邊營左參
將都指揮錢亮引兵追之與戰五晝夜我軍死者十
三四於是西邊告急二月上命戶部右侍郎陳浚總
督陝西軍餉命吏部右侍郎葉盛往延綏等處議處
兵事諭皇太子曰悼恭以山西河南災傷連歲虜寇
深入復設兩省巡撫榜諭奸徒之藏妖書者虜入定
邊營把總都指揮廖斌追擊敗之虜入寧塞營總兵

官許寧都指揮李英指揮周賢都指揮劉寵合擊勝
之皆賜勅獎勵議搜虜河套忻王見怡薨旌異岳州
知府吳節延平知府盛顯金華知府李嗣瑞州知府
史宗禮平陽知府胡睿通判李杲永平知府王璽宿
州知州劉槃歷城知縣沈瑀商水知縣羅楫廣平知
縣何琮靈壽知縣劉冀貴饒陽知縣張韓鹽山知縣
武震滿城知縣劉翥新河知縣蕭智安平知縣王瑾
景州判官王左潞城知縣杜彪三月命荆襄流民遣
歸原籍復業者所在巡撫等官優卹未復業者招撫
之命籍團營官軍名數季終以聞四月京畿自二月

至是月不兩大風竟日運河水涸遣祭于天地社稷山川復分遣兩京侍郎祭告淮瀆東海山川之神冊申鑿為蜀王辛巳月食命三法司審錄罪囚遂分命刑部大理司屬分審于天下五月命武靖侯趙輔佩平虜將軍印充總兵統制諸路兵與總督軍務右都御史王越赴延綏等處擊虜六月虜入平涼鞏昌臨洮等府州縣七月修隆善寺畢工工匠陞文思院副使者三十人書碑官尚寶司少卿任道遜等竝進卿少工科都給事中王詔等言比歲以來星妖示見江海泛溢天變於上地變於下炎夏霜降平地阜出猛

虎食人兩雹傷稼夷狄侵疆水旱相仍瘟疫流行下民疾苦陛下此時汰冗去濫猶恐不足節用採凶寺成碑完官爵陞授一至於此西征北伐捐軀隕命之人胡以勸之伏望追寢前命慎重名器不允八月旌異長沙知府錢澍常德知府楊宣建昌知府謝士元

士元長樂人任戶部郎上疏陳四弊為尚書年富所契許有涉中官力抗之擢建昌知府闡學宮作禮器行射法購書以惠來學南京大理寺卿夏時正巡江西首以士元名旌于朝滿九載民詣闕請留陞從三品俸仍知府事以憂去服闋改知廣信永豐有銀冶久闕處州民常盜發動以百計士元勒兵捉盜左股被刺傷竟俘賊塞穴還用薦擢右副都御史巡撫其地蕃有大小姓者相煽為亂士元托行邊閱兵積餉為戰禦計賊獻羊豕迺道左士元慰遣之民以歲侵流入蕃部為廣室十餘區糜之藥病葬死歸給符籙

存活甚多弘治中乞致仕隆慶知州李鼎靖州知州蔣淇溫州通

判余鼎實保定府推官鄭傑長沙知縣艾旻甌寧知

縣喬銘銘趙城人以貢士任廉誠剛介勞心賑饑九月秀王見澍薨命宣

城伯衛穎守備鳳陽十月戊寅月食十二月賑京城

乞食饑民虜入與武營等處寧夏總兵官都督同知

范瑾戰却之

九年正月真人張元吉既免死謫戍其子玄慶為父

求免以母老子幼為辭上允之給事中虞瑤監察御

史龔晟等劾奏元吉擅作威福棄絕倫理改易勅書

僭用器物姦收祖婢勒要人財挾讎謀死三十八人

造意殺死一家三人罪當凌遲處死有日獲宥發戍

當時科道之臣尚以為言今復得放歸愚昧小人未

諭聖意若以元吉私情可憫則其所殺四十餘人之

中與獄中他罪囚豈無母老子幼如元吉者元吉本

五斗米賊後奉非道教有何功益蒙此眷遇一事雖

細關繫祖法朝綱伏惟審度上曰待其親終戍邊如

舊命順天府分官賑濟貧民勸課農桑虜入紅沙塢

守備偏頭都指揮戴廣追敗之虜入與武營遊擊將

軍王璽參將神英等遇之漫天嶺平虜將軍總兵官

寧晉伯劉聚等遇之半坡峰副總兵孫鉞與王璽神

英復遇之劉家塢擊却之追擊又敗之竝賜勅獎勵
命儒臣考訂宋儒朱熹資治通鑑綱目及後儒所著
考異考證諸書而以王逢集覽尹起莘發明附其後
三月始遣監察御史巡鹽河東陞福寧縣爲州減雲
南銀課十分之五乙巳夜南京大風雨拔太廟社稷
壇樹旌異廬州知府朱鏞大名知府熊祥陝西按察
司僉事伍福南昌府同知李泰冀州知州胡瑛綏德
知州郝清臨江府通判王維台州府通判孔彥綸隴
州同知張詡城武知縣王達曲陽知縣喬良北直隸
山東民饑相食四月辛酉朔日有食之以旱災免山

東今年稅糧順天等府亦量減之命巡街巡河御史
瘞棄屍福餘等三衛虜賊結構海西女直屢犯邊境
遼東總兵官都督同知歐信副總兵韓斌等戰敗之
賜勅獎勞上閱騎射于西苑黜其最下者命自後精
選以補缺五月陞都督僉事李白玉爲都督同知自
內旨以山東旱饑命河南等處巡撫等官分發其流
民於諸州縣所在區畫屋舍驗口給糧秋成遣之更
弛山東徵役之賦賑以臨清倉粟米十萬起致仕禮
部右侍郎倪謙翰林院侍讀學士錢溥于南京管事
自內旨南北科道官相繼言謙溥不顧清議有玷名

節上置之六月進封趙輔爲武靖伯七月復設蘇松常鎮湖五府并所屬縣勸農通判縣丞各一員虜寇榆林瀾都督僉事許寧等擊却之八月尚寶司卿楊導言尚寶司官終身不調旅進素餐而已欲求試如諸司上曰果有材吏部舉用之古人云立賢無方宣城人阮廷珪言故父遷干自交趾歸附有功歷官知府垂老致仕旅死宣城困苦流離乞授臣一職冀圖自活下吏部難之上曰其授官縣丞食祿不事事稱朕柔懷意九月監察御史楊守隨等言頃因山東災傷議者爲揀荒權宜之計許在京辦事及寄名吏納

銀俱免京考見在當該者俱免考試與冠帶悉依資格選用如是則文移通否年歲老耄一切不問黷貨規進倖門靡極害政莫甚焉上曰朕患吏道不清嚴考試爲進退募入貲賑饑免考登仕教吏貪也御史言是亟罷勿行重建伯夷叔齊廟于永平賜祠額曰清節罔壞城爲遼王勅各邊巡撫都御史整飭邊備十月王越襲虜紅鹽池大破之賜勅獎諭癸酉月食魯王泰堪薨十一月重開騎射於西苑命翰林院編纂宋元二史上接通鑑綱目開八館編纂之十二月復設河州及文禮二縣

十年正月勅王越專居固原總督三邊諸鎮軍馬二月晉王奏鎮國將軍美塔有母喪請并以其子應得祿米量支本色爲喪費下戶部議無例上曰人子不得自盡於送終則終身悔雖無例特允之三月南昌知府王詔詣京考滿以疾久不還任巡視侍郎原傑奏罷之詔賂中官自陳疾愈累疏稱屈下吏部辯理得復六科給事中劾詔宜黜上曰原傑黜詔以病也病瘳矣何不可責給事而恕之崇王之國大應法王劄實巴死有旨如大慈法王例建塔葬之撥官軍四千供役禮科給事中王坦言劄實巴夷狄之人假名

釋氏陛下待之殊禮封之顯號特借此以撫其種類使不患邊耳如例祭葬之足矣而祭祀之品逾於王者造塔之費幾於山陵今畿甸饑饉連年餓殍載路卽以是費拯流離垂死之民豈不愈於厚一荒誕之胡僧哉上曰給事中言濫矣大應法王造塔比大慈法王已減三之二不許四月浙江參議甯珍爲巡撫都御史所黜具疏稱枉吏部抑之特命復任增雲南鄉試舉人五名以街渠污塞逮中兵馬司指揮巡城御史錦衣衛官較于獄五月禁藏妖書增設州縣勸農官六月岷王音塗爲其乳母子觀請免戍吏部覆

奏不宜上曰觀母老失養王爲請厚道也其放歸養
母死而戍邊陞工部右侍郎王詔爲左侍郎通政司
右通政程萬里爲右侍郎自內旨南京科道官言王
詔寗珍旣退復用啓奔競夤緣之端上曰旣命之矣
兵部會吏部舉可巡撫寧夏者二人上不允已復推
上曰邊境巡撫不宜用未練事者吏兵二部故當究
之姑宥罪而陞南京都察院左僉都御史張鵬爲右
副都御史以往起養病右都御史林聰以代鵬給度
僧道南京監察御史任英言比歲旱澇相仍災異迭
見內地荐饑邊塞多警京城內外民食孔艱若復行

給度則天下僧道紛集京師米價益貴况此輩奸盜
者多卽如四川僧徒悟昇乃爲賊首乞罷其令不從
發團營官軍三千疏浚京師溝渠七月遼王壕城之
長子卒亡子請以其妃妾殉上曰先帝顧命母殉後
宮也王何戾耶婦無子別室遷之濮州民有乘饑爲
亂者州捕殺之其弟同居當連坐上曰民饑思亂朕
甚憫焉同居者不預謀杖戍之殺者家屬財產悉毋
籍八月祀宋儒程顥程頤于博野縣願頤故博野人其五世祖爲宋
太宗時端明殿學士因家洛陽旌異廣東按察司副
知縣裴泰奏其事故有是命使孔鏞僉事陶魯林錦賜誥命九月癸丑朔日有食

之令侯伯新襲及駙馬年少者送國子監讀書習禮
 十月旌異青州知府李昂湖廣按察司僉事尚禱浙
 江按察司僉事周正方河南府知府吉慶直隸真定
 府通判傅恕順德府通判李觀故城知縣杜中陽城
 知縣耿昇錢塘知縣謝頰賜誥勅增設山東布政司
 參政一員提督勸農十二月起復太常寺掌寺事禮
 部左侍郎萬祺於家自內旨科道官言國家大祀時
 享諸司不敢以刑喪奏刑喪之人不得陪祀供事而
 况掌祀之大臣太常則掌祀也禮卿之貳則大臣也
 上曰朕將別用焉萬祺南昌人精祿命以椽授鴻臚寺序班有援之者超擢吏部主事

石亨將為英宗謀復位以問祺祺曰某詳太上祿命當復為天子力贊之及英宗即位以亨薦召見擢吏部郎成化未累遷工部尚書太子少保祺起家掾吏列於六卿物論不平然能自謙約以身名終

湖廣寶慶等府縣淘金

時內費日侈帑金漸乏命寶慶府舊場淘金場二十一歲

役民五十五萬有奇而武陵縣民傷蛇虎死大水者無筭僅得金三十餘而已巡撫官以聞詔罷之都

察院右都御史李寅奏錦衣鎮撫累問妖言罪人所

追妖書圖本悉妄誕不經愚民往往被惑乞備錄書

名榜示天下使咸知其謬幻詔可

其書有番揭地搜神記誣金龍八寶

混天機神經安天定世繡瑩關九龍戰江神圖天宮知賢變遇神圖經鎮天降妖鉄板達通天混海圖定

天定國水晶珠經金鎖洪陽大策金鋒都天玉鏡六甲明天了地金神飛通黑阮書通天徹地照僊爐經

三天九關夜海金船經九關七返纂天經八寶擎天白玉柱天子金地曆劉太寶泄漏天機伍公經奪天

冊收門纂經佛手記三煞截鬼經金鎖欄天記緊關
 周天烈火圖玉盆經換天圖飛天曆神工九轉玉瓮
 金燈記天形圖天髓靈經定世混海神珠通玄濟世
 駕鸞經錦珊瑚通天立世袞雲裘銀城論顯明曆金
 章紫綬經玉賢鏡四門記收燕破國經通天無價錦
 包袂三聖爭功聚寶經金曆地經奪天策海底金經
 九曜飛光曆土傘金華蓋水鑑書照賢金靈鏡經硃
 書符式坐壇記會濟定天經周天烈火圖六甲天書
 三災救苦金輪經智鎖天關書感天迷化經變化經
 鎮國定世三陽曆玄元寶鏡玉傘錦華蓋換海圖轉
 天圖推背書九曜飛天曆彌勒頌通天玩海珠照天
 鏡玄天寶鏡經上天梯等經龍女引道經穿珠偈天
 刑圖應劫經天圖形首妙經玉賢鏡透天關盡天曆
 玄娘聖母親書太上玄元寶鏡降妖斷怪伍家經金
 光妙品奪日金燈紅塵三畧照天鏡九關番天揭地
 神圖金鋒都天玉鏡玉樹金蟬經玄娘聖母經七返
 無價紫金船銀城 虜入馬營齊家溝赤城袁家墩等
 圖樣龍鳳勘合

處宣府遊擊將軍署都督僉事周玉敗之詔與實授

當先官軍陞賞有差

十一年正月考察朝覲官吏部奏罷甯珍王詔從之

故真人張元吉母死當戍釋為民祀故監察御史伍

驥都指揮丁泉于福建上杭縣 汀州府上杭知縣蕭

竊發都指揮丁泉率兵守備本縣扞禦有方賊不敢

犯次年賊勢益熾巡按監察御史伍驥入境聞變即

馳至汀審察賊情調兵策應單騎入巢諭以禍福賊

出不意駭甚及聞驥諭感泣至誠旬日之間脅從來

歸者千七十餘惟賊首李宗政等負險不服遂與泉

率兵深入攻破營寨泉奮身力戰為賊所害驥總督
 官軍弔死恤傷激揚義氣與賊戰十餘合破犁壁等
 一十八寨擒斬八百餘人賊平未幾驥遂殞命民皆
 傷痛相率出私財立祠乞載諸祀典歲時致祭事下
 禮部覆奏賜祠額曰褒忠驥安福縣人景泰甲戌進
 士莊重寡言居風憲持大體見同類掇拾大 二月閉
 臣以沾名者恒非之遇事當為果決敢任

宜陽等縣銀峒申明酷刑之禁乙未月食三月虜自尖山墩西空入寇大同右參將都指揮李鎬遊擊將軍都督僉事綏謙等禦之金山兒迤西敗之追至嚮水河及尖山西空又敗之賜勅獎諭寧晉伯劉祿卒祿年故少命賜祭不予葬免輟朝著爲令分命監察御史清理天下軍伍以多少爲殿最四月置寶豐商城二縣命南北兩畿河南南湖廣江西地廣民衆之處增設勸農官一員壬辰乾清宮災五月紀宮人之生孝宗皇帝六年矣以萬貴妃寵且妬不敢聞上至是上始知之下禮部擬名名不愜上意上自名之遂見

皇子於羣臣中外人心莫不歡慶六月湖廣總兵官左都督李震等奏沅靖等邊衛控制川貴廣西諸種蠻夷頃者苗賊攻掠不已雖已調兵捍禦卒難成功請如正統景泰年間靖遠伯王驥等故事大勦之上曰蠻夷猾夏自古而有要在邊將羈縻得宜其令震等與四川貴州廣西參將土官人等分屯禦之肆侮拒敵則行勦殺聞風畏威則加撫諭皇子母紀氏薨七月唐王瓊坦薨印記馬騾駒於北直隸山東河南等處修理南京太廟八月借漕卒浚舊通惠河以通京師漕輓命朝官離家十年者方許省祭取陝西巡

茶御史還京選差行人二員禁茶如舊追贈真人喻道純父宗敬為太常寺寺丞母楊氏為安人自內旨閉秦川火地山兩當縣申家莊銀峒九月丁未日有食之陳州知州戴昕秩滿當遷州人言其政命復任陞俸二級旌異石阡知府楊榮晉州判官張綱賜誥勅屬荔波縣於慶遠府荔波初屬南丹州土獞覃仕武苦夷法峻厲與知州莫必勝構兵累年故以屬慶遠十月增設專理河道工部官一員禮部左侍郎萬祺至改為工部十一月癸亥冊立皇太子詔天下陞右通政程萬里為戶部右侍郎侍講學士尹直為禮部右侍郎太常寺少卿孫廣安為本寺卿

自內旨十二月陞大醫院院使方賢為通政司左通

政仍掌院事

時賢自結於太監黃賜為賜蓋寺以修衙門為名摺撫罰納銀募匠易木所費不貲以此得寵前此雜流陞四品官帶俸者止太常太僕少卿及順天府丞以通政官帶俸者自賢始

申明洪武開學規於國子監置高明縣編發自宮者

於海戶令再犯者處死全家發邊遠充軍旌異萊州

知府熊瓊韶州府同知方新成都府同知李祥東昌

府通判蕭彥敬河南布政司理問諸豫歸德州判官

陳獻賜誥勅己亥復邸王帝號上尊諡曰恭仁康定

景皇帝修飾其陵寢

十二年正月是月南京陰霾蔽日地震有聲二月己

亥朔日有食之增設山西忻代諸州縣勸農官己丑
月食給獄囚藥餌三月冊陽鑄爲魯王李震破靖州
苗賊五月復罷遣陝西巡茶行人陞工部左侍郎萬
祺爲本部尚書自內旨勅都察院左副都御史原傑
往荆襄等處撫治流民六月瀧水等縣徭賊四出焚
劫浚通惠河成蒙化洱海鶴慶大理趙州鄧州等處
盜起七月皇第六子生定京操軍逃亡罪例黑青見
命宋儒朱熹十世孫燉襲翰林院五經博士奉祀事
設貴州程番府太學士商輅等條陳時政六事其一
言哈密等處番人來京攜帶玉石多被細人誘引進

貢計囑行戶高直賣官規取厚利閒住番僧往往自
都綱禪師陞至國師佛子法王等給與金銀印信圖
書其有死亡徒弟承襲更求造塔二者皆侵耗朝廷
財物宜行禁治其一言廣東雲貴等處有貢奇花異
草珍禽奇獸珍珠寶石金銀器物此物非出所貢之
人必取諸民取民不足又取之土官夷人家一物之
進其直十倍暴橫生靈激變邊方莫此爲甚乞勅內
外臣自後皆毋進其一言永樂閒以交趾爲郡縣其
後守鎮非人遂致陷失今兩廣四川貴州雲南俱係
邊遠雲南與交趾尤爲切近蠻夷土官易生事變宜

命吏部推選剛正有為大臣一員巡撫其處上嘉納之以黑青見祭告天地于禁中遣官審錄天下罪囚八月改南京戶部左侍郎王恕為都察院左副都御史巡撫雲南丁丑內承運庫監生袁慶祥見帑藏虛耗歲入不供而售直寶石無虛日月因上章極言命杖五十送吏部令肄業國子監慶祥後舉進士歷官刑部主事員外郎為

廣東按察司僉事大學士商輅言郊祀之禮歲一舉行至重事也邇聞皇上廣敬天之心建祠宮北奉祀玉皇製造祭物祭器樂舞之具一如郊廟并新編樂章命內臣習之欲於道家所言神降之日舉行祀禮臣等竊

詳皇上為此毋非欲上為母后祝釐下為生民祈福但稽之於古未合禮經昔傳說告高宗曰黷于祭祀時謂弗欽禮煩則亂事神則難伏望停罷凡內廷一應齋醮亦悉禁止從之丁亥月食九月妖人李子龍等伏誅增孔廟籩豆佾舞之數以邊警方劇令旗軍有能出貲募兵滿百人以上者賜冠帶封諡鏘為伊王偕濤為韓王以征靖州苗功封李震為興寧伯詔撫綏流民十月傳奉監生李英儒士顧經萬燭鄔存敬等二十人俱冠帶中書科食糧御用監辦事英等

大監梁芳韋力轉相附結遂得進用往往取釋老書及小說不經之語繕寫成帙標為異名以進驟至美

官有一歲三四遷者經父珏以巫起為太常卿煇工部侍郎祺養子存敬初名棖為驛丞罷官至是改名其他多宦家子及市井無賴云朶顏三衛夷人復請開馬市不許勅

邊臣防邊置饒平縣十一月續資治通鑑綱目成上

製序文弁首陞南京禮部左侍郎倪謙為本部尚書

翰林院侍讀學士錢溥為南京吏部左侍郎國子監

祭酒周洪謨為禮部右侍郎仍掌監事自內旨開設

鄖陽府

十三年正月庚子朔增孔廟邊豆樂舞之數二月癸

未月食閏二月禁通報旨意命監察御史吳道宏往

鄖陽府安撫人民勅廣東按察司副使陶魯提督高

雷二府兵務防禦蠻寇三月慎妖言之罪

時西廠行事旗較以

捕妖言圖官賞無藉者多為偽誘愚民而後以請告行事者捕之加以法外之刑寃死相屬無敢言者故

有是命置商南縣陞商縣為州命慎選王府官嚴保勘

考試之禁四月封芝北為唐王修續資治通鑑綱目

成五月罷西廠之緝事者禁邊刁訟六月嚴捕盜之

令革兵部尚書項忠職為民

項忠字蓋臣嘉興人正統七年進士授兵部主

事遷員外郎十四年扈從北征陷虜中以智自拔歸進郎中景泰初推廣東按察副使按部高州謀報賊

攜男婦數百流劫村落部將請發兵忠口流賊無攜家理慎無妄殺及訊其俘果皆良家被掠者盡釋之

四年征瀧水賊有功丁外艱服除改山東天順三年擢陝西按察使丁內艱軍民詣闕借留詔起復之七

年召為大理卿借留者再至乃改都察院右副都御史巡撫其地平洮岷諸番亂再與寧遠伯壽彰武伯

信禦虜有功成化三年召還佐院事其明年固原土胡滿四據石城叛復以忠總督軍務與都督劉玉討之伏羌伯忠戰死我軍遽却忠即陣斬一千戶以狗衆乃定廷議請益兵詔問忠忠謂不須益可坐而困之相持百餘日單騎抵賊寨諭以禍福脇從者稍出降其逸出者皆縱使去以服其黨賊窘每突圍薄我大小三百餘戰皆却之擒其愛將楊虎狸解所服金鈎賜而遣之約為內應卒擒滿四斬首七千六百俘獲二千六百有奇五年遷右都御史六年荆襄賊李鬍子者本劉千斤餘黨倡流民為亂忠復總督軍務乃遣人持榜出入招諭其負險不服者縱兵搜捕凡發遣還鄉者百四十萬編戍者萬餘斬首二千餘級獻俘于朝者百餘人詔暫留撫治進左都御史會李星見言者謂荆襄殺戮所致忠再疏自列因乞骸骨上溫詔慰忠且召之還十年拜刑部尚書尋改兵部汪直開西廠錦衣百戶韋瑛挾直勢詞察屢與大獄忠草疏倡諸公卿奏罷之直內銜忠忠不自安乞歸未行直嗾東廠誣以贓私事上命三法司錦衣衛會問忠抗辯不服衆知直意無敢違者而忠坐為民久之陷忠者次第敗復兵部尚書致仕弘治初以建儲

恩再進階光祿大夫十五年卒年八十二賜祭葬諡襄毅錄孫鏞為嘉興所千戶忠剛果沉毅遇事敢為故能臨敵制勝而實錄言其在荆襄時汪直復開西驅逐流民以械繫死道路者不可勝紀

汪直復開西

廠兩錢于京師太子少保吏部尚書兼謹身殿大學

士商輅致仕商輅字弘載淳安人宣德乙卯發解浙闈正統乙丑會試殿試皆第一授翰林

修撰尋命進學東閣郎王監國陞侍讀擢入內閣時

英廟北狩力沮南遷之議虜逼京城與羣臣議經畧

戰守久之陞兵部右侍郎兼左春坊大學士仍兼學

士天順改元以景泰易儲事黜為民成化二年復前

職與彭時議慈懿皇太后葬禮率廷臣伏闕爭陞尚

書仍兼學士己丑冬燠陳時政辛卯冬彗見復疏八

事壬辰以天下水旱相仍請省科斂減力役寬兩稅

弛利禁乙未進兼文淵閣大學士丙申加太子少保

改吏部黑肯見復陳時弊丁酉兼謹身殿學士與同

官論罷西廠尋乞歸輅丰儀山時襟度淵澄詞氣溫

徐居平敬慎論古今治亂得失是非慶七月詔兩京

慶不倦文牘盈案裁決如流卒諡文毅

名山藏

卷之十一

典謨記

七

堂上官五品以下者從吏部依例會官考覈

時當考察堂上

官皆自陳太常寺寺丞吳亮亦自陳休致上意其僭故有是命賑恤京都民之被水

者勅諭各邊鎮守巡撫等官從宜計議彼處弭盜安

民之術選將練兵之方備奏以聞辛巳月食八月命

杭州府祭唐臣褚遂良上曰山東兗州及南直隸諸

府州兩水為災民甚饑窘朕實愍之戶部臣其擇廉

能郎官五員分往賑濟復設河南巡撫官詔留巡鹽

御史雍泰一年以撫恤兩淮竈丁東廠官較發雲南

百戶左昇私事詞連通政司掌司事工部尚書張文

質及他官錦衣衛遂併執文質左通政何琮等以掌

印請上始知之即命釋文質而責問錦衣衛官胡擅

繫大臣者指揮使朱驥自伏命停驥俸三月九月詔

逐罷閒官吏人等之匿京師者詔自今邊儲三年一

盤查著為例置三水縣陞蘭縣為州吉王見浚之國

是月也以傳奉得官者三十有餘人十月復立哈密

衛於苦峪谷以淮安鳳陽饑荒暫止徵備用馬詔會

舉將材十一月嚴文武乘輜之禁詔稽覈遼東屯田

許朝鮮國市弓角

朝鮮國王李婁奏言小邦北連野人南鄰島倭五兵之用俱不可缺

而弓材所需牛角仰於上國今互市銅錢弓角等物朝禁甚嚴竊惟高帝時待遇小邦異於諸藩嘗有火藥火炮之賜望特許收買弓角不與胡人一例兵部言朝鮮恭順之國果與諸夷不同宜許而限其數上

令每歲許買上以天下官吏朝覲姦詐之徒或緣私
引角五十仇妄相告訐嚇騙財物及陰構以事中傷良善又賢
否黜陟朝廷自有常典乃有與京官往來交通營求
作弊者竝命都察院榜禁之十二月戶部郎中李炯
然陳鳳陽諸州府救荒之策其一言建吳二庶人家
眷十八口已物故大半而月給米二十五石如舊請
量減之下戶部議可從上不許曰此先帝之賜數戊
申月食以太子太保兼都察院左都御史王越有紅
鹽池撲虜功命爲兵部尚書仍太子太保兼左都御
史及原加俸一級

十四年正月傳奉陞太常寺協律郎丁永中爲本寺
寺丞襄王瞻墀薨定官軍歇操例歲以二八之月起
操至五月十一月大寒暑而止禁革倉塲積弊二月
虜犯遼東靉陽堡殺掠甚衆陞錦衣衛指揮使萬喜
爲都指揮同知指揮僉事萬通爲指揮使正千戶萬
達爲指揮僉事予世襲命中外軍政官五年一考選
皇太子出閣進學增設雲南按察副使一員整飭臨
安兵備罷朝天宮工役命官軍五千修國子監賜山
東按察副使陳相鳳陽府通判馮珪登州府通判袁
玘開州判官林彥綱誥勅旌其善政總兵官都督同

知歐信巡撫遼東右副都御史陳鉞以襲擊三衛夷之捷聞三月冠皇太子十三道監察御史言竊見巡撫寧夏賈俊奏稱邊儲匱乏欲將河南陝西山西北直隸兩考吏典及在京各衙門辦事滿者俱令納銀免其考試即與冠帶民間子弟納銀許充知印承差府州縣等官三年六年考滿納銀免其赴部考績戶部議為准擬詔旨許其通行稽之往年陝西一方偶有納馬納草事例至今朝論不以為是堂堂天朝富有四海令量入為出用一省百邊儲胡患不充軍需胡患不足而為此賣官鬻爵之事伏乞痛革前弊別

圖長策使邊備不乏名器不濫上曰漢文帝從晁錯備邊之策後人惜其作備納銀足邊後世謂何御史言是一切罷之錄陝西岷州擒斬番賊功命禁安南國使臣多挾私貨有言建州三衛夷故無罪陳鉞邀擊為功勅兵部左侍郎馬文升等往招諭之盜起福建上杭縣勅鎮守太監盧勝巡按御史戴用等督捕之巡撫遼東右副都御史陳鉞再以擊建州之捷聞封閉烏撒衛天生橋稻田壩奈章場等處銀峒復開遼東廣寧等處馬市陳鉞奏永樂間遼東設馬市三處一在開元城南關以待海西女直一在廣寧城以待朵顏三衛正統間因漏泄邊情已罷其二惟開原南關市獨存近者朵顏窮迫潛

結海西轉市於我而海西藉彼馬力數犯我邊若許復開則有以収朵顏之心散海西之黨而中國并受其利下廷臣起都察院右僉都御史高明巡撫福建會議報可

以平盜拜高明貴溪人少判股愈母景泰二年舉進士

吏例當戍明議戍例為誣訴設今所奏實不過當杖制可著為令州又以妖言十餘人具反獄聞明訊無

狀止坐本律出按河南河徙民就居河旁浮淤地議者欲履畝明日河徙無恒安知異日之不為河耶歲

滿巡畿內入與吳琛對掌三法司奏牘五歲臺稱二妙天順改元率同官劾兵部尚書陳汝言其聲益著

院獄囚五十餘人白晝劫獄明馳片紙閉九門止行者掩捕得之四年與御史趙明等廷劾天下朝覲官

疏詞頗激上詰主筆者明請獨任不以累趙都御史寇深言上都察院累年彈文奏章皆出高明之手

日能御史也吏部擬出為按察使上謂李賢此人宜內任又謂寇深可都御史也未幾遷大理丞成化元

年擢南京右僉都御史南京自春徂夏陰晦霖雨揚州人民無故驚疑扶老攜幼俱往南奔兩月方定明

上言宜修人事以回天意下禮兵二部禮部尚書姚夔請勅兩京文武羣臣修省兵部尚書王竑請勅南

京守備等官飭武事防不虞皆從之又言刑部郎中孫瓊陳鴻漸梅倫兵部郎中何宜工部主事宋瑛皆

廉潔端方拙於謀身不求知聞毅然求退乞勅吏部顯擢以獎恬尚又言學較人才所出而近年開四

歲以上及納馬等例多至萬餘人昔唐德宗欲官獻瓜菓者陸贄進諫臣今亦恐舉人相謂納馬入監等

吾明經朝論躋之頃之揚州鹽徒為盜殺巡江千戶及巡簡官兵十餘人勅明從宜督捕明遣巨艦名曰

籌亭督卒伍往來江南北會朝廷遣中官及錦衣較卒五十人籍首惡家明慮變起館穀五十人者不使

出戶而外授方畧督兵分擒九百人盡得之中六十餘人劫獄復入江為盜明使伏於蘆洲伺其出沒蹙

入蘆盡擒之召還京以親老乞終養既免喪闔上抗盜作劫復起得便宜行事明力疾上道俘獲四百餘

人誅其首惡四十遂請析縣之縣名永定旋乞致仕卒明廉約清峻所至整肅恬于仕進但規摹頗隘不

能有容晚年女已聘某人四月陳鉞復以擊虜之捷改適宗室為鄉人所薄

典謨記

聞巡撫四川贊理軍務右副都御史張瓚以破松慶等處夷寇之捷聞五月以尚寶司少卿戴縉爲右僉都御史自內旨翰林院儒臣編集御製詩成遼王壕城薨商州大水民多滄沒六月設恩平縣陳鉞復以擊虜之捷聞命太監汪直往遼東處置建州三衛邊務英國公張懋等奏京師大圓通等寺非有不可已之役而官軍所以威勢而懼戎者也而動撥營造當此暑雨下情不堪且今邊報迭至正蓄威養銳之日請行暫止上曰內官監材料具備借力一運秋可畢工毋止也大慈恩寺禪師喃渴領占等乞給銀印許

之福建盜平普定等處蠻賊劫掠總兵官吳經等欲大發湖貴雲南兵擊之上曰貴州窳阻恐未必得賊徒傷無辜其勅巡撫都御史陳儼往度之

儼廬陵人

七月

以北直隸山東水遣官勘濟八月上曰畿內山東諸府災傷甚其合追糧草馬匹及一應差役宜停止分豁者具奏聞選官分賑之江西亦水其令南京刑部右侍郎金紳往視科道官各上救災事宜因言比來各色工匠或自叙斤斧微勞或造奇巧玩物希求恩典輒受官職至於官軍捕獲妖言乃其本事不論輕重一槩遷官况其中枉誣比比刑賞過中亦災所繇

乞勅吏部自官匠出身者裁其月俸第許榮以冠帶
 勅兵部計議捕獲妖言明白者止加給賞不予以官
 下所司停徵順天府民借支倉糧免其所負羊毛禁
 私鑄錢戊申早朝東班官若聞有甲兵聲者皆辟易
 不成列衛士露刃備不虞久始定莫知故己命班居
 下者百餘人跽午門踰時釋之因申明朝儀八事執
 巡撫蘇松等處都察院右副都御史牟俸下錦衣獄
 傳陞錦衣衛故帶俸百戶施良子仁為實授百戶百
 戶王英為帶俸正千戶九月定隱匿賊情罪例免被
 災囚人納紙十月勅捕倭於揚州給宛大二縣養濟

院貧人布二千五百餘疋巡撫遼東右副都御史陳
 鉞奏比聞建州衛夷虜曾卜刺答等仍糾餘黨盜邊
 宜復調軍擣巢永除患苦下兵部尚書余子俊言建
 州海西諸虜近蒙恩諭多已改悔鉞出傳聞復請加
 兵恐起舊釁乞令嚴飭所部詳加偵瞭至乃出擊去
 勿窮追倘卜刺答等服罪入貢及朶顏三衛被滿都
 等仇殺避難近邊俱宜曲加慰撫毋貪功妄殺失朝
 廷懷柔之義詔可十一月始令翰林官習儀

先是翰林院官

僚自永宣以來並免習儀至是萬壽節錦衣緝事官
 較奏學士王獻簡討張泰不赴上命鞫問之獻泰舉
 故事以聞命宥之仍命自今內
 閣辦事者免其餘並習儀如常裁革廣西養利州土

知州永康縣土知縣置流官修南京樓殿十二月諭
戶部臣曰今歲北直隸水災殊甚聞紫荆關水門被
水闔流至涿闔門扉也則人民禾稼災困可知有田畝應
免者悉免之癸卯月食申在外武官私役軍士禁稅
十五年正月二月禁自宮以求進者四月以吏部聽
選官李孜省爲太常寺寺丞監察御史楊守隨等言
我祖宗立法定制官人必繇資格核士必考素行是
以奸僞衰止流品疏清至於祭祀之禮罪人不得供
事刑官不得省牲疾病刑喪不得陪從其典尤重李
孜省故胥也受賂逃匿數於京師其資格則刀筆也

其情罪則胥靡也小方投合忽無級陞命下之目士
論沸騰奈何用此奸罪穢人瀆事天地宗廟之駿奔
吏科給事中李俊等亦以爲言上曰其改之上林苑
監乃以爲左監副慶王邃壘薨五月兵部左侍郎馬
文升坐招撫建州海西夷夷人復犯邊都察院右副
都御史牟俸坐受人財皆下獄謫戍上曰牟俸職司
風紀大肆奸貪馬文升撫夷也夷復變六科十三道
胡容隱不糾奏者其陳狀於是給事中李俊等二十
七人御史王濬等二十九人合詞請罪詔廷杖之人
二十陞都察院右僉都御史戴縉爲右副都御史自

內旨特加工部尚書萬祺太子少保七月命汪直
 行邊八月南京刑科給事中李鸞先奏南京工部所屬
 虛費官錢下南京工部覆之覆上言妄調鸞為判官
 已南京科道奏鸞言無非為國節費雖不實乞宥罪
 上曰有旨旌異桂林知府金純武昌知府秦夔濟南
 知府王璟揚州知府周源廬州府同知李鳳霸州知
 州蔣愷廣德州知州周瑛深州知州韓儒道州知州
 方璟六合知縣唐詔藁城知縣李興陽曲知縣宋賓
 賜誥勅瑛莆田人成化己丑進士授廣德州知州教
 民遵葬祭法戒溺女遷南禮部郎中守撫州
調鎮遠累官四川右布政使致仕先是陳獻章倡
 靜之說而嘉魚李承箕得其傳瑛移書讓之日始學

之要先收放心收放心居敬是也居敬則心存聰明
 睿智皆繇此出然後可以窮理所謂窮理者非謂靜
 守此心而理自見蓋推之以至其極也孟子曰萬物
 皆備於我言人心無外也不即窮理能盡此心之
 體乎今不務此乃塊然靜坐求用之學吾見其
 難已論者謂獻章主靜得聖門宗旨乃其濫觴流於
 葱嶺不可無瑛之砥柱所著有經用祁鏞為襄王九
 世管律呂管鑰字書管鑰等書

月孝陵大風拔木遣守備成國公朱儀祭告于孝陵
 傳奉陞禪師結幹領占為國師冠帶監生盧英為鴻
 臚寺序班汪直奏刑科給事中趙良行事輕浮先時
 上書不謹難居言路外調之十月命汪直監督軍務
 撫寧侯朱永佩征虜將軍印充總兵官討建州夷巡
 撫遼東右副都御史陳鉞贊其軍復命朝鮮國王李

娶出兵夾擊之太子少保戶部尚書楊鼎乞致仕不
 許再請許之賜勅曰卿歷官翰苑纂修講讀効勞良
 多殫心戶部國賦通融厥績茂焉朕方圖任老成卿
 乃引年至再茲特允請命給驛舟送歸仍令有司月
 給米二石歲撥人夫四備贍用夫優老敬賢者朕之
 心執禮養恬者卿之志功成身退者士之榮去國懷
 忠者臣之厚卿篤念此尚優游田里化導鄉人使風
 俗歸淳治理臻盛則足副朕眷卿亦永終譽哉時方
 簡臣朝論以為優楊鼎字宗器咸寧人家貧為商後
聞南京祭酒陳敬宗嚴教即求入南監從學閉戶讀書爨食躬作正統四年會試第一廷試第二授翰林

編修已巳北虜入寇以才推擇改監察御史治兵充
 州事平還朝軍兵送鼎莫不流涕遷侍講兼春坊左
 中允尋陞工部右侍郎天順元年轉左中貴牛玉論
 旨欲轉江南拆糧銀入實內帑而以他物充武職俸
 鼎從容議已之成化四年代馬昂為戶部尚書延綏
 用兵廷議預徵邊餉鼎言黃河漢唐漕運故道間雖
 稍險然三門而上小河可達延綏其迹尚在苟貯糧
 水次遡流徐運何所不濟疏上且請身督之竟見齟
 不行鼎在官力清利孔所題覆持正不回事出上旨
 亦不曲徇毋論權貴所立稅鹽二法戶部遵守之十
 五年以水旱被劾鼎故與大學士劉珣善後以干托
 不從相失鼎知言者見劾皆翊所主懇乞致仕鼎在
 官有十思書坐隅曰量思寬犯思忍勞思先功思緩
 坐思下行思後名思晦位思卑守思忠退思早居家
 遵用古禮築書院延師以教里中子弟歲饑出所蓄
 賑親舊語人及諸子曰平生無所長但識廉耻二字
 耳其卒也贈太子少保諡莊敏鼎娶妻時年已三十
 夫婦相莊子時暢官至太常少卿時敷舉人為鼎廬
 墓弘治初傳奉陞僧繼曉為僧錄司左覺義閏十月
 姓表孝子

陞大慈恩寺國師乳奴班丹為灌頂大國師覺義綽
 吉堅參為國師大隆善護國寺灌頂大國師班卓兒
 藏卜為佛子國師著札領占為灌頂國師其以傳奉
 得官者四人十一月戊戌月食朱永襲敗建州夷是
 月也以傳奉得官者十七人十二月封朱永保國公
 不世加汪直食米歲三十六石陞陳鉞右都御史陞
 者千八九十人賞者千五百四人陞大能寺右講經
 劄巴宗禁為國師

十六年正月禁雲南邊軍交通外夷陞應天府府丞
 談倫為順天府尹順天府丞徐英為河南右布政使

自內旨

倫吏部尚書尹旻心腹而英內閣學士親也

命太監汪直監督軍

務兵部尚書王越提督軍務保國公朱永佩平虜將
 軍印充總兵官率京兵萬人赴延綏禦虜參將等官
 皆令直推舉兵科給事中孫博言六事其一言東西
 二廠緝事旗較多毛舉細故以中復大臣旗較故廝
 役之徒大臣則股肱之任豈廝役可信反過股肱縱
 其皆公已非美事一或失實所損實多汪直聞博奏
 怒甚召詰之上下旨博不諳事固當治也姑恕焉二
 月詔天下學校孔子廟廷所在凡過門者皆下馬太
 監陳喜以公事出河間河間知府滕佐等賑民于外

不能供應喜奏之命執赴京擬罪有差朝鮮國王使人來獻建州捷命戶部郎冀綺林同賑濟保定河間二府汪直王越襲敗虜于威寧海子來奏捷遂乞班師許之上曰順天府并直隸府州縣山東饑荒特甚朕不遑寢食光祿寺一應派納供用凡被災處悉爲減省書曰民惟邦本本固邦寧岷王音湜薨加汪直歲米四十八石封王越威寧伯仍以太子太保兼都御史掌印提督團營如故五月河間府東光縣地官莊在焉管莊之人畝徵糧二斗科道官言天子四海爲家何必莊田東光之民失土地矣賦斂比之公田

數及三倍民困如此非死卽徙非徙卽盜耳上命畝徵五升三合五勺如開墾荒田則例六月禁貴戚世家侵占民田巡按遼東監察御史強珍奏建州班師亡何虜卽四入靉陽清河殺掠男婦五百餘人頭畜無筭實繇前巡撫都御史陳鉞啓釁邀功致其報復諸守將不能禦却之又畏罪貪功隱匿不聞直待朝廷論功陞賞陳鉞回京之後始以入奏請逮問欺罔用正厥罪兵部尚書余子俊等覆奏引皇明祖訓參鉞累犯死罪不宜再縱當從珍言上命守將吳瓚崔勝戴罪殺賊鎮守太監韋朗停歲賜食米半年總兵

都督緱謙與鉞各停俸一年餘皆屬珍逮問之兵科都給事中吳原監察御史許進亦論劾韋朗等冒功匿罪雖已停俸尚宜重處其劾陳鉞以爲黃潛善賈似道之流上曰是業處分姑已之已汪直自遼東還奏珍行事乖方所參被虜人畜皆妄請治其欺罔命錦衣衛千戶蕭聚往勘若不實卽械京鞠之七月逐自宮以求進者申明存恤孤老之令蕭聚至遼東不能有所勘但械強珍以來汪直先執珍拷掠之然後聞奏命會官廷鞫坐奏事不實贖杖還職內批謫戍之遼東尋以兵部及科道官先嘗妄劾陳鉞及都察

院奏差強珍不當俱令回奏皆服罪上責都御史王越不謹姑宥之兵部科道官停俸各三月鉞舊所停皆免之以儀真批驗所盤掣私餘等鹽三萬引賜太監梁芳丙子曉刻月當晦不晦十二月命汪直同太監傅恭劉恒於神機營把總仍提督十二營南京科道官復劾奏陳鉞罪上曰前者給事官劾鉞不實已責之而又何言故當執治姑罰俸半歲傳奉錦衣衛指揮同知僉事千戶百戶倪端等十一人俱遞陞一級傳奉序班許暘等爲錦衣衛百戶廟官顧倫爲太常寺博士及文思院等官毛祥等二十人有差僧錄

司左覺義僧繼曉奏欲齋所賜護勅至湖廣九峰寺乞給驛馬官船廩餼丁夫家僮三人亦乞行糧脚力從之蕪湖縣老人張禮前後率領機兵擒盜二百餘人授九品散官仍令捕盜十一月壬辰月食十二月虜入大同命汪直監督軍務朱永佩平虜將軍印充總兵官王越提督軍務往擊之

十七年正月傳奉陞太常寺丞朱福銘本寺卿陞寺丞顧玘丁永中俱少卿福銘永中絲樂舞生玘絲廟祝二月命予儒士華岳等十一人冠帶食糧申書科

時內府各監局及在外諸寺觀皆有書辦人員傳錄道書佛經及詞曲小說所至有近幸內官一二以領

其事書成上進備以珍玩隨其輕重輒得恩典以陳鉞為兵部尚書太常寺

少卿顧玘喪母乞誥祭予之吏部尚書尹旻請再贈其父以免再給又予之三月徽王見沛之國汪直來報大同捷遂獻俘加直歲米三百石永世襲爵越加陞太子太傅歲增祿米四百石本色三百折色百石掌前軍都督府事總五軍營兵提督團營操練廕一子錦衣百戶陞戴縉為右都御史右僉都御史屠瀟為左僉都御史自內旨設平虜衛是月久旱恒風四月掌太醫院事右通政蔣宗武乞原籍官地為業予之戶科都給事中劉昂等劾宗武猥以末技攘取顯

官請求亡厭乞收前命上曰已賜矣母擾以風霾勅羣臣修省開遂墀爲慶王從主客司郎中汪景昂陳請陞爲太常寺少卿文華殿東耳房書辦如故五月陞尚寶司卿任道遜爲太常寺少卿文華殿耳房書辦如故有辦吏王冠者奏稱吏典辦事各衙門率供賤役無異奴隸乞如監生例量減歲月吏科都給事中董旻惡其不揣參送法司擬罪冠不服評事房明強之冠復訐旻與給事中王瑞張雄張晟占吏數多具疏令其子齋至通政司投進而通政司遲之冠又言本司官通政使何琮右通政王昶及吏王忠故延

而右參議劉英泄其事于旻上下旻錦衣衛獄具上聞上釋琮昶忠不問調英旻於外任英降一級瑞雄晟明皆停俸三月冠罪如擬越數日吏部擬旻漳浦知縣英陝州知州有旨責臯緩尚書尹旻伏罪宥之更調英旻于邊方總督兩廣軍務右都御史李英總兵官平鄉伯陳政等擊敗猺獞之爲亂者擒斬三千有奇禮科都給事中張鐸兵科給事中蕭顯以言事忤旨吏部希意擬外除鐸漢陽府通判顯隴州同知故事給事中序遷至知府爲劣至是外除爲府判州佐內旨允鐸再改顯於貴州吏部言貴州州皆裁減

無同知者特命添設於鎮寧宣府虜報至命汪直監督軍務王越佩平虜將軍印充總兵官往擊之六月司設太監王助建寺西直門以工料不足請存積官鹽二萬引下吏部尚書翁世資極言鹽課禁約之例不可開端以匱邊計上曰予引千不爲例鎮守太監劉忠奏山西不歲諸府州衛所該輸柴炭乞暫免之上曰其卽免二季七月命汪直總督軍務王越佩平胡將軍印充總兵官統京營兵分路勦虜所在鎮守總兵巡撫等官聽節制不遵號令者以軍法先從事乃奏聞八月陞上林苑左監副李孜省爲通政司右

通政仍管監事給太常少卿丁永中先任寺丞勅命工部員外郎蕭奎嘗以事忤中官至是陞雲南按察僉事提調學校中官言其不稱命調之貴州辛未曉刻月當晦不晦九月御史干大節言事詞頗切直留中不報密諭吏部外調之以爲鶴慶軍民府推官李孜省上官右通政王杲以其雜流心易之孜省進密帖命調杲太僕寺少卿十月丙辰月食傳奉道錄司右至靈鄧常恩等爲太常寺卿錦衣衛指揮千百戶等官有差又以五十餘人十一月汪直奏臣至宣府分守要害虜知有備遁去近邊無烽火乞班師還京

上曰冬月正宜隄備提督光祿太監楊鵬請陞本寺寺丞楊惇為少卿典簿徐敏署正王佐為寺丞從之

十二月改錦衣衛百戶何瑾為尚寶司司丞瑾從太監陳喜

引進羣小納賂求官而已因得厚利又獲轉職命王越佩征西前將軍印鎮

守大同仍與汪直提督京營宣府右路軍馬是月也

以傳奉陞官者二十餘人

十八年正月賜太監梁兩淮運司存留鹽五萬引

傳奉內府供給事者順天府通判沈政為太常寺少

卿二月汪直王越使錦衣衛帶俸都指揮使汪鈺來

報之捷陞為後軍都督僉事內使郭文自南京

還道沛怒知縣馬時中供應不時榜掠時中子至溺

水時中赴水救之起呼冤文禡時中衣紮以行老人

及水夫等繞船大呼叱之不退文使家人田福順以

兵器擊殺老人二人遂相訟於朝命錦衣械時中等

至京鞫之法司坐時中奏事不實贖罪還職有旨降

一級調廣西邊任為慶遠經歷福順如律抵罪錦衣

衛帶俸指揮使栢珍卒其子乞祭葬特許之旌異太

原知府張鼎懷慶知府倪顥衛輝知府張謙蘇州知

府劉瑀池州知府常顯黃州知府王霽衡州府同知

海輔松江府同知于準薊州知州汪溥耀州知州鄧

真鄜州知州李瓚隴州同知嚴春湖廣布政司經歷
 楊紹澧州知州鮑愷賜誥勅命汪直總鎮大同宣府
 等處尋命專鎮守大同是月也以傳奉陞官者十餘
 人三月賑濟蘇松淮揚山西大同饑民罷西廠勒兵
 部尚書陳鉞致仕右軍都督馬儀南京閒住儀奏鉞
撫遼東
 時尅取官銀營求陞職用指揮監造器皿役千戶入
 京調事擅殺進貢夷人侵其方物隱匿俘獲男女擇
 有邑者二人與子澍分收之與汪直誣陷御史強珍
 侍郎馬文升謫戍御史王崇之不從其濫報有功亦
 被誣降澍言授錦衣千戶亦恃勢為非事下都察院
 請這官按之上令鉞致仕儀閒住調澍永平衛左所
 帶差操傳奉陞尚寶司司丞李景華任傑為本司卿

陳敦太常寺少卿翰林院侍書嚴勳尚寶司司

丞光祿寺署正楊紀太僕寺寺丞其餘二十人皆以
 傳奉得官四月傳奉陞錦衣衛帶俸都指揮同知萬
 喜為都指揮使指揮僉事萬通為指揮使舍人萬祥
 為百戶帶俸百戶萬通家人徐達為正千戶較尉劉
 惠為百戶其餘以傳奉得官者五人以不兩遣告天
 地山川社稷之神五月刑部右侍郎林鶚子薇援例
 乞為國子監生下禮部以舊例奏上不允曰蔭叙大
 臣所以崇德報功示激勸也自今在京三品以上官
 果政績顯著許一子自陳試能通經方許入監容容
 保位無益於時者無濫授是月也以傳奉得官者四

十人太監梁芳錢喜家屬與焉

時傳奉盛行名器愈濫左右近習各立門

戶恃寵鬪勝而梁芳尤甚每一傳奉除拜滿紙謝恩私第者相踵前後母慮千人

六月虜寇

延綏河西清水營等處邊將分兵禦之有斬獲論功

行賞傳奉南京住俸太監錢能同安寧等守備

能自雲南

同罪重罰輕至是復以進奉獲用

是月也以傳奉得官者十有一人

七月起右副都御史程宗勘處雲南木邦夷情命雲

南布政司歲祭故翰林院學士王禕之祠是月也傳

奉太常寺少卿陳敷為卿尚寶司卿李景華為太常

寺少卿其餘以傳奉得官者六十餘人道流畫土工

匠皆與其選八月久雨衛漳滹沱等河漲溢運河口

岸多決河南城署廬舍壞人畜死亡不可勝計南京

尚膳監奉御慶載薦新品物舟及沛其人毆傷縣人

至濟寧笞人懸牆至死管河右通政楊恭以聞命刑

部郎中朱守孚往勘守孚委罪巡河官上言皆宜治

命宥之停俸二月是月也以傳奉得官者十有八人

閏八月武城後衛倉使應時用建言六事其一事言

饒州燒造御器使內臣監督供費濫溢自後請但降

式於諸司使造上上詰通政司官何琮等何不參駁

皆服罪停俸遂命錦衣執問之錦衣坐時用建言希

進指斥不恭法司擬贖杖還職命調之邊方巡撫山

西左副都御史何喬新劾奏按察僉事尚敬劉源曠職延獄併乞通行天下巡按御史凡三司官滯訟半年以上者悉奏請執問上曰刑獄重事也周書曰要囚服念五六日至于旬時桎梏綫綫久拘攣之不瘳死耶喬新劾奏甚善其即究治其人令天下刑官謹獄以副朕意是月也以傳奉得官者十有四人九月分守獨石馬營右少監崔榮署都指揮僉事吳儼追虜被圍棄而逃上怒逮獄論斬榮求於近幸乃自訟上曰念其追敵非坐視者於是榮儼竝得降級庚戌月食是月也以傳奉得官者二十四人而姚福員以

白衣為錦衣千戶十月陞湖廣茶陵縣為州傳奉免

南京濟川衛軍章瑾役召還之

瑾以人匠販進寶石官盜開庫銀家財

累巨萬賄賂中官無所不至先坐罪充軍至是復以幸還

是月也以傳奉得官者

二十有五人十一月禁諸王府不得與親屬為婚姻

吏部請補六科左右給事中之缺命疏名上僅陞兵

科給事中張以弘為禮科給事中及補南京工科一

員自是見任科官不及額員之半太常寺奏太祀將

及有看牲分獻禮各衙門帶俸官例不得行獨去年

以分獻命通政司帶俸右通政李孜省今看牲官數

未敢定擬上令孜省仍分獻免其看牲

孜省先為太常寺丞以科

道官常劾其坐罪例不當供祀而罷既復進
乃以祈邪術蒙幸預郊祀分獻歲以爲常是月也
以傳奉得官者五十有七人而掌太常寺事禮部左
侍郎劉焯得爲本部尚書掌寺事如故太常寺少卿
丁永中得爲本寺卿禮科左給事中張以弘得爲本
科都給事中大慈恩寺灌頂大國師劄實堅剎乳奴
班班丹得陞爲西天佛子賜誥命衣帽等物復以傳
奉予兩淮鹽引太監劉通得一萬王包得六千錦衣
千戶徐達得三萬十二月文華大訓成以授皇太子
其書四綱二十四目四綱曰進學曰養德曰厚倫曰
明治上親序之復題其後曰惟我祖宗定制皇太子

既立中外政務率令啓聞欲其廣見識達治體也朕
侍皇考日亦嘗命見羣臣預聞政理臨馭以來兢業
圖治十有九年于茲蓋嘗因旱郊禱惕于星變肆赦
海內葺郊壇以奉大祀增籩豆樂舞以禮先師廣進
士之額重老臣之歸加養濟窮民之廩開武學儒生
之貢減糴出賑以濟民饑恤刑審錄以清獄訟修文
究武飭內攘外朕宵旰靡遑慮功業之未茂也夫爲
治之道舉綱必挈其要張目必該其凡是編所述庶
幾盡之爾尚究心副朕豫教之意念之哉手勅陞太
子太保吏部尚書萬安爲太子太傅兼華蓋殿大學

士太子少保戶部尚書劉珣為太子太保兼謹身殿

大學士少保禮部尚書劉吉為太子太保兼武英殿

大學士尚書如故錄刻復哈密衛右都督罕慎為左

都督仍掌衛印其餘論功有差定僧道犯公罪不還

俗人令巡撫南直隸兵部尚書兼左副都御史王恕

奏言律法僧道罪曾經決罰者並令還俗

而江志僧道多因被入侵占田土負欠租稅註誤致

罪者請同常人收贖法勿令還俗都察院會六部議

覆奏從之著為令申命犯罪充軍不勾丁補役之外監察御

言天下官民犯罪充軍者宣德十年詔令止終本身

嗣之義并違舊制章下兵部言申明禁止天下從之

